

四庫全書薈要

• 乾隆御覽本

史部

史記卷一百十七

漢

太

史

令司馬遷

撰

宋中郎外兵曹參軍裴駰集解

唐國子博士弘文館學士司馬貞索隱
唐諸王侍讀率府長史張守節正義
司馬相如列傳第五十七

索隱右不宜在
西南夷之下

司馬相如者蜀郡成都人也字長卿少時好讀書學擊

劍索隱呂氏春秋劍伎云持短入長倏忽縱橫之術也魏文典論云餘好擊劍以短乘長是也

故其

親名之曰犬子

索隱孟康云愛而字之也

相如既學

索隱案秦宓云文翁造相如受

七慕蘭相如之為人更名相如以貲為郎事孝景帝為

武騎常侍

索隱張揖曰秩六百石常侍從格猛獸

非其好也會景帝不好

辭賦是時梁孝王來朝從游說之士齊人鄒陽淮陰枚

乘吳莊忌夫子之徒

集解徐廣曰名忌字夫子索隱案鄒陽傳云枚先生嚴夫子則此夫

子是美稱時人以為號爾而徐廣云字為非漢書作嚴忌者案忌本姓莊避明帝諱莊改姓嚴也

相如

見而說之因病免客游梁梁孝王令與諸生同舍相如
得與諸生游士居數歲乃著子虛之賦會梁孝王卒相
如歸而家貧無以自業素與臨邛令王吉相善吉曰長
卿久宦遊不遂而來過我於是相如往舍都亭

索隱案
臨邛郭

下之臨邛令繆為恭敬日往朝相如相如初尚見之後

亭也

稱病使從者謝吉吉愈益謹肅臨邛中多富人而卓王
孫家僮八百人程鄭亦數百人二人乃相謂曰令有貴
客為具召之并召令令既至卓氏客以百數至日中謁

司馬長卿長卿謝病不能往臨邛令不敢嘗食自往迎相如相如不得已彊往一坐盡傾酒酣臨邛令前奏琴

曰竊聞長卿好之願以自娛相如辭謝為鼓一再行

索隱

索古樂府長歌行短歌行皆曲引也此言鼓一再行謂一兩曲是時卓王孫有女文君

新寡好音故相如繆與令相重而以琴心挑之

集解郭璞曰以

琴中音挑動之索隱張揖云挑繞也以琴中繞之挑音徒了反繞音如了反其詩曰鳳兮鳳兮歸故鄉遊遨四

海求其皇有一艷女在此堂室通人遐毒我腸何由交接為鴛鴦又曰鳳兮鳳兮從皇棲得托子尾永為妃交

情通體必和諧中夜相從別有誰

相如之臨邛從車騎雍容閒雅甚都

集解韋昭曰閒讀曰閑甚得都邑之容也郭璞曰都猶妓也詩曰洵美且都

及飲卓氏弄琴

文君竊從戶窺之心悅而好之恐不得當也既罷相如

乃使人重賜文君侍者通殷勤文君夜亡奔相如

索隱郭璞

云婚不以禮為節也

相如乃與馳歸家居徒四壁立

集解郭璞曰言貧窮也索

隱案孔文祥云徒空也家空無資儲但有四壁而已言就此中以安立也

卓王孫大怒曰女

至不材我不忍殺不分一錢也人或謂王孫王孫終不

聽文君久之不樂曰長卿第俱如臨邛

索隱文穎云第且也郭璞云第

發語之急耳如往也

從昆弟假貸猶足為生何至自苦如此相如

與俱之臨卽盡賣其車騎買一酒舍酤酒而令文君當

鑪

集解韋昭曰鑪酒肆也
以土為墮邊高似鑪

相如身自著犢鼻褌

集解韋昭曰今

三尺布作形如犢鼻稱此者言其
無耻也今銅印言犢紐此其類矣

與保庸雜作

集解駢索方言

保庸謂之甬南
方奴婢賤稱也

滌器於市中

集解韋昭曰瓦器
也每食必滌溉者

卓王孫

聞而恥之為杜門不出昆弟諸公

集解郭璞曰
諸公父行也

更謂王

孫曰有一男兩女所不足者非財也今文君已失身於

司馬長卿長卿故倦游

集解郭璞曰
厭游宦也

雖貧其人材足依

也且又令客獨奈何相辱如此卓王孫不得已分予文

君僮百人錢百萬及其嫁時衣被財物文君乃與相如

歸成都買田宅為富人居久之蜀人楊得意為狗監侍

上集解郭璞曰主獵犬也上讀子虛賦而善之曰朕獨不得與此

人同時哉得意曰臣邑人司馬相如自言為此賦上驚

乃召問相如相如曰有是然此乃諸侯之事未足觀也

請為天子游獵賦賦成奏之上許令尚書給筆札相如

以子虛虛言也為楚稱集解郭璞曰稱說楚之美烏有先生者集解徐廣

曰烏一作惡烏有此事也為齊難集解郭璞曰詰難楚事也無是公者無

是人也明天子之義

集解郭璞曰以爲折中之談也

故空藉此三人爲

辭

索隱藉音假借與積同音

以推天子諸侯之苑囿其卒章歸之於

節儉因以風諫奏之天子天子大說其辭曰楚使子虛

使於齊齊王悉發境內之士備車騎之衆與使者出田

田罷子虛過訛烏有先生

集解郭璞曰訛誇也音託夏反索隱過音戈訛音勅亞反

而無是公在焉坐定烏有先生問曰今日田樂乎子虛

曰樂獲多乎曰少然則何樂曰僕樂齊王之欲夸僕以

車騎之衆而僕對以雲夢之事也曰可得聞乎子虛曰

可王駕車千乘選徒萬騎田於海濱列卒滿澤罾罔彌

山

集解郭璞曰罾置也音浮正義說文云罾兔罟也今幡車罟也彌竟也

揜兔犇鹿射麋

腳麟

集解徐廣曰麟音吝駟索郭璞曰腳持足犇車轆索隱韋昭云腳謂持一脚也司馬彪曰腳持也說

文云持偏引一脚也

驚於鹽浦割鮮染輪

集解郭璞曰鹽浦海邊地多鹽鹵鮮生肉也染

擣也音而沿反又音而悅反擣之於輪鹽而食之驚馳也音務索隱染或為淬與下文脔割輪淬意同也

射

中獲多矜而自功顧謂僕曰楚亦有平原廣澤游獵之

地饒樂若此者乎楚王之獵何與寡人

集解郭璞曰與猶如也

僕

下車對曰臣楚國之鄙人也幸得宿衛十有餘年時從

出游游於後園覽於有無然猶未能徧覩也又惡足以
言其外澤者乎齊王曰雖然畧以子之所聞見而言之
僕對曰唯唯臣聞楚有七澤嘗見其一未覩其餘也臣

之所見蓋特其小小者耳

索隱郭璞云特獨也

名曰雲夢

索隱褚詮音亡

棟反又音莫風反裴駰云孫叔敖激沮水作此澤張揖
云楚藪也在南郡華容縣郭璞曰江夏安陸有雲夢城
南郡枝江亦有雲夢城華容縣又有巴丘湖俗云即古
雲夢澤也則張揖云在華容者指此湖也今案安陸東
見有雲夢城雲夢縣而枝江亦有
者蓋縣名遠取此澤故有城也 雲夢者方九百里其

中有山焉其山則盤紆第鬱隆崇律萃岑巖參差日月

蔽虧

集解駢案漢書音義曰高山壅蔽日月虧缺半見索隱案漢書注此卷多不題注者姓名解者云是

張揖亦兼有餘人也

交錯糾紛上干青雲罷池陂陀下屬江河其

土則丹青赭堊

集解徐廣曰一作瑕索隱張揖云赭赤土出少室山堊白堊本草云一名白塏

也雌黃白垺

集解徐廣曰音符駢案漢書音義曰白垺白石英也索隱白垺出魯陽山蘇林音附

正義藥對曰雌黃出武都山谷與雄黃同山

錫碧金銀

正義顏云錫青金也碧謂玉之青白色者

也

衆色炫燿照爛龍鱗

集解郭璞曰如龍之鱗采

其石則赤玉玫瑰

集解郭璞曰赤瑾也見楚辭玫瑰石珠也

琳瑯琨珈

集解駢案漢書音義曰琳球也珈石次玉者琨

珈山名也出善金尸子曰昆吾之金者索隱司馬彪曰琨珈石之次玉也河圖云流州多積石名琨珈石鍊之

成鐵以作釵光明如水

瑊瑊玄厲

集解徐廣曰瑊音古咸反瑊音勒皆次玉

者駟素漢書音義曰玄厲黑石可用磨者

瑊石武夫

集解徐廣曰石似玉駟案漢書音義曰瑊石出

鴈門武夫出長沙也

其東則有蕙圃衡蘭芷若射干穹窮昌蒲

集解

駟素漢書音義曰衡杜衡也其狀若葵其臭如麝蕙芷白芷若杜若也索隱司馬彪云蕙香草也本草云薰草

一名蕙廣志云蕙草綠葉紫莖魏武帝以此燒香今東下田有草莖葉似麻其華正紫也張揖云衡杜衡東下

田有草生天帝之山案山海經云葉如葵臭如薜蘿可走馬博物志云一名土杏味亂細辛葉似葵故藥對

亦以為似細辛也蘭秋蘭本草云芷一名菹埤蒼云齊菹一曰菹字林曰菹音昌亥反又音昌里反菹音火高

反本草又曰杜若一名杜衡今杜若葉似薑而有文理莖葉皆有長毛古今名號不同故其所呼別也廣雅云

烏蓬射干本草名烏翦也司馬彪云芎藭似藁本郭璞云今歷陽呼為江離淮南子云夫亂人者若芎藭之與

藁本

江離藁蕪諸蔗搏且

集解徐廣曰搏音匹沃反駟葉漢書音義曰江離香草藁

蕪蘄芷也似蛇床而香諸蔗甘柘也搏且藁荷也索隱吳錄曰臨海縣海水中生江離正青似亂髮即離騷所

云者是也廣志云赤葉紅花則與張勃所說又別案今芎藭苗曰江離綠葉白華又不同樊光曰藁本一名藁

蕪根名蘄芷藥對以為藁蕪一名江離芎藭苗也則芎藭藁本江離藁蕪並相似備是一物也搏音普各反且

音子餘反漢書作已且文類云已其南則有平原廣澤

登降陲靡

集解駟案音移靡

案衍壇曼

索隱司馬彪云案衍案下壇曼平博也衍音弋

單反壇音緣以大江限以巫山

集解郭璞曰巫山今在建平巫縣也

其高

燥則生葳蕤苞荔

集解徐廣曰葳音針馬藍也葳或曰草生水中華可食荔音力詣反草似

蒲駟案漢書音義曰苞蕤也索隱葳音斯郭璞云葳酸醬江東名烏葳析漢書作斯孟康云斯禾似燕麥廣志

云涼州地生析草皆如中國燕麥是也

薛莎青蘋

集解徐廣曰薛音先結反駟案漢書音義曰薛

賴蒿也莎鎬侯也青蘋似莎而大也音煩

其卑濕則生藏蓂蓂葭東蓂雕胡

集解徐廣曰烏桓國有蓂似蓮草實如葵子十月熟駟案漢書音義曰藏似蓂而葉大蓂蓂尾草也蓂葭也葭

蘆也索隱卑音婢卑下也郭璞云蓂尾似茅蓂葭音兼加孟康云蓂葭似蘆也郭璞云蓂葭也似蘆而細小江

東人呼為蓂蒿又云葭蘆也似葦而細小江東人呼為烏蓂葭音五患反葭音敵廣志云東蓂子色青黑河西

記云葭我東蓂葭我蓮藕菰蘆

蓮藕菰蘆

集解徐廣曰生水中索隱郭璞云菰蔣也蘆葦

也菴蘭軒芋

集解 駟案漢書音義曰菴間蒿也軒芋猶草也素隱郭璞云菴蘭子可療病也軒芋生水

中今揚州有也

衆物居之不可勝圖

集解 郭璞曰圖畫也

其西則有湧泉清

池激水推移外發芙蓉凌華內隱鉅石白沙其中則有神

龜蛟鼉

正義 郭注山海經云蛟似蛇而四腳小頭細頸有白嬰大者數十圓卵生子如一二斛瓮吞人鼉似蜥蜴

而大身有甲璫瑁正義 似背鰐甲有文出皮可以冒鼓南海可以飾器物也

鼈鼉其北則有

陰林巨樹榿栴豫章

集解 郭璞曰榿杞也似梓栴葉似桑豫章大木也生七年乃可知也正義

按 溫活人云豫今之枕木也章今之樟木也二木生至七年枕樟乃可分別

桂椒

正義 郭云桂似杞杞葉而

大白花花而不著子藁生巖嶺間無雜木冬夏常青按今諸寺有桂樹葉若枇杷而小光靜冬夏常青其皮不中食

蓋二色
桂樹

木蘭

正義廣雅云似桂皮辛可食葉冬夏常
似春其實如小甘辛美南人以為梅也
藥離

朱楊

集解徐廣曰藥音扶戾反駟案郭璞曰木蘭樹皮辛
香可食漢書音義曰離山梨朱楊赤楊也索隱郭璞

云朱楊赤莖柳生水邊
爾雅云檉河柳是也

櫨刺櫨栗橘柚芬芳

集解徐廣曰
櫨音郢駟案

漢書音義曰櫨櫨棗也正義小曰櫨大曰柚樹有
刺冬不凋葉青花白子黃亦二樹相似非橙也

其上則

有赤猿蠿

集解徐廣曰音劬柔正義
音劬柔正義
音柔皆猿猴類
鸛雛孔鸞騰遠射

干

集解郭璞曰鸛雛鳳屬也孔孔雀鸞鳥也駟案漢書
音義曰騰遠鳥名射干似狐能緣木索隱孟康云騰遠

鳥名非也司馬彪云騰遠蛇也
郭璞云騰蛇龍屬能興雲霧

其下則有白虎元豹曼蛇

貙豸

集解郭璞曰曼蛇大獸長百尋貙似狸而大駟案漢
書音義曰豸胡地野犬似狐而小也索隱應劭云豸

音顏韋昭一音岸鄒誕
生音苦姦反協音是

兕象野犀

正義兕狀如水牛象大獸長鼻牙長一丈俗呼

為江後犀頭似後一角
在頤漢書無此一句

窮奇獫狁於是乃使專諸之倫手

格此獸楚王乃駕馴駁之馬

集解駟案漢書音義曰馴馬擾也駁如馬白身黑尾一

角鋸牙食虎豹駕
之以當駟馬也

乘雕玉之輿靡魚須之橈旃

集解郭璞曰以

海魚須為旒旌言橈
弱也通帛為旃也

曳明月之珠旗

集解駟案漢書音義曰以明月珠綴

飾建干將之雄戟

集解駟案漢書音義曰干將韓王劍師雄戟胡中有鉅干將所造也索隱

應劭曰干將吳善冶者姓如淳曰干將鐵所出晉灼曰闔閭鑄干將劍應劭說是方言云戟中小子刺者所謂雄戟

也周處風土記云戟為五兵雄也鉅音巨案周禮治氏為戈胡三之注云胡其子也又周禮圖謂戟支曲下為胡也

左烏嘯之雕弓

索隱張揖云黃帝乘龍上仙小臣不得上挽持龍髯髯拔墮黃帝弓羣臣抱弓

而號故名烏號見封禪書及郊祀志文又韓詩外傳云弓工之妻曰此弓是太山南烏號之柘案淮南子云烏

號柘桑其材堅勁烏棲其上將飛枝勁復起標呼其上伐取其材為弓因曰烏號古史考風俗通皆同此說也

右夏服之勁箭

集解徐廣曰韋昭云夏夏羿也矢室名曰服呂靜曰步又謂之服也索隱案夏

羿善射者又服箭之室故云夏服又夏后氏有良弓名繁弱其矢亦良即繁弱箭服也陽子驂乘

纖阿為御

集解駰案漢書音義曰陽子古賢也索隱張揖云阿月御也韋昭曰陽子古賢也索隱張揖云

陽子伯樂也孫陽字伯樂秦穆公臣善御者也或曰纖阿美女姣好貌又樂彥曰纖阿山名有女子處其巖月

歷數度躍入月中因為月御案節未舒索隱郭璞曰言也郭璞云纖阿古之善御者案節未舒頓轡也司馬彪

云紫轡而行得節故曰紫節馬
足未展故曰未舒亦為得也
即陵狡獸麟叩叩蹇距

虛集解郭璞曰叩叩似馬而色青距虛即叩叩變文軼

野馬而轉駒除集解徐廣曰轉音銳駒案郭璞曰野馬如馬而小駒除似馬轉車軸頭索隱轉

音銜謂軸頭轉而殺
之駒音陶除音塗
乘遺風而射游騏集解騏音義曰遺風千

里馬爾雅曰爲如馬一角不角者騏也索隱呂氏春秋
云遺風之乘古今注曰秦始皇馬名韋昭曰騏如馬無

角非麒麟之儵聃淒淒集解徐廣曰淒音七見反淒音力詣反駒案漢書音義曰皆疾

貌
雷動燁至星流霆擊弓不虛發中必決皆集解韋昭曰在目所

指中必決
於眼皆也
洞胷達腋絕乎心繫獲若雨獸揜草蔽地於

是楚王乃弭節裴回

集解郭璞曰或云節今之所杖信節也索隱司馬彪云弭猶伏也

翱翔容與

索隱郭璞曰言自得

覽乎陰林觀壯士之暴怒與猛獸

之恐懼微眚受詘

集解徐廣曰眚音劇駟案郭璞曰眚疲極也詘盡也言獸有倦游者則微

而取之索隱司馬彪云微遮也眚倦也謂遮其倦者眚音劇詘音屈說文云眚勞也燕人謂勞為眚微音古亮

反殫睹衆物之變態於是鄭女曼姬

集解郭璞曰曼姬謂鄭曼姬婦人之

總稱正義文類云鄭國出好女曼者其色理曼被阿錫

澤也如淳云鄭女夏姬也曼姬楚武王夫人節集解駟案漢書音義曰阿細縞

也錫布也正義按東阿出縞也揄紵縞

集解徐廣曰揄音史正義揄曳

也韋云紵之色若縞也顏雜織羅罽霧縠

集解郭璞曰云紵織紵也縞鮮文也

以覆頭

襞積褰縐紆徐委曲鬱撓谿谷

集解駢案漢書音義曰襞積簡諧也

褰縮也

縐裁也其縐中文理第鬱迴曲有似於谿谷也

索隱小顏云此說非也**褰積今之帶攝古謂之皮弁素**

積是也蕪林曰褰縐縮蹙之也**縐音側救反**

諧音助草反裁音在代反曲字林音丘欲反

粉粉排排

索隱郭璞曰衣長貌正

揚施卹削

集解徐廣曰施音迤衣袖也駢案漢書音

義上芳云反下方非反

義曰卹削裁制貌也索隱張揖云揚舉也卹削刻除貌也

蜚纖坐髻

集解徐廣曰纖音斐駢案郭璞

曰纖袿衣飾

扶輿猗靡

集解郭璞曰淮南所謂曾折摩地扶輿猗委也正義與音餘猗

髻髻髻也

於綺反謂鄭女曼姬侍從

喻呬萃蔡

集解駢案漢書音義曰喻呬衣裳張

王者扶其車輿而猗靡

起也萃蔡衣聲也索隱韋昭云呬音呼甲反郭璞云

萃蔡猶璀璨也正義呬火甲反萃音萃蔡千賄反

史記

十二

摩蘭蕙上拂羽蓋錯翡翠之威蕤

集解徐廣曰錯音繆指或作錯紛翠蕤

繞玉綏

集解郭璞曰綏所執以登車正義顏云下摩蘭蕙謂垂髻也上拂羽蓋謂飛織也玉綏以玉飾

綏也言飛織垂髻錯雜翡翠之旌幡或繞玉綏也張揖云翡翠大小一如雀雄赤曰翡雌青曰翠博物志云翡

身通黑唯髻背上翼後有赤毛翠身通青黃唯六翮上毛長寸餘青其飛則羽鳴翠翡翠翡翠然因以為名也

縹乎忽忽若神仙之仿佛

正義佛言似神仙也戰國策云鄭之美女粉白黛黑而立

於衛不知者謂之神仙

於是乃相與獠於蕙圃

集解郭璞曰獠獵也音遼索隱爾雅

云宵獵

嬖珊勃窣上金隄

索隱嬖珊音素忽反下也窣音素忽反

揜翡翠射

鵠鵠

集解駉案漢書音義曰鵠鵠鳥似鳳也索隱司馬彪曰鵠鵠山雞也許慎云驚鳥也郭璞曰似鳳有

光彩音浚宜李彤云鵠鵠神鳥飛光竟天也微增出纖綴施集解徐廣曰綴音斫弋白

鵠連駕鵠

集解郭璞曰野鵠也駕音加索隱爾雅云舒鴈鵠也正義鵠水鳥也駕鵠連謂兼腹也抱

朴子云千歲之鵠純白能登於木

雙鵠下玄鵠

集解郭璞曰詩云弋言加之是也正義司

馬彪云鵠似鴈而黑亦呼為鵠括韓詩外傳云胎生也相鶴經云鵠壽二百六十歲則色純黑按弋雙鵠既下

又加玄鵠之上也

急而後發游於清池浮文鵠

集解駰案漢書音義曰鵠水鳥

也畫其象於船首淮南子揚桂枻

集解徐廣曰音曳駰案韋昭曰枻櫂也

張翠帷建羽蓋罔璫瑁鈞紫貝

集解郭璞曰紫質黑文也正義毛詩蟲魚疏云

貝水之介蟲大者蚌音下郎反小者為貝其白質如玉紫點為文皆成行列當大者徑一尺小者七八寸今九

真交趾為杯盤寶物也
貨殖傳云貝寶龜是也

撻金鼓吹鳴籟

集解 駟案 漢書音義曰撻拉也

籟籟

榜人歌

集解 郭璞曰唱聲流喝也 榜船也 音謗

水蟲

集解 徐廣曰為遼反

駭波鴻沸涌泉起奔揚會礮石相擊礮礮礮礮若雷霆

之聲聞乎數百里之外將息獠者擊靈鼓

集解 郭璞曰靈鼓六面也

起烽燧車案行騎就隊纚乎淫淫班乎裔裔

集解 郭璞曰皆羣行

貌於是楚王乃登陽雲之臺

集解 徐廣曰宋玉云楚王游於陽雲之臺 駟案 郭璞

曰在雲泊乎無為澹乎自持勺藥之和具而後御之

集解

郭璞曰勺藥五味也

不若大王終日馳騁而不下輿將割輪淬自

以為娛

集解徐廣曰淬千內反駟案郭璞曰疥癬淬染也疥音驚也

臣竊觀之齊殆

不如於是王默然無以應僕也烏有先生曰是何言之

過也足下不遠千里來況齊國

集解郭璞曰言有患況也

王悉發境

內之士而備車騎之衆以出田乃欲戮力致獲以娛左

右也何名為夸哉問楚地之有無者願聞大國之風烈

先生之餘論也今足下不稱楚王之德厚而盛推雲夢

以為高奢言淫樂而顯侈靡竊為足下不取也必若所

言固非楚國之美也有而言之是章君之惡無而言之

是害足下之信章君之惡而傷私義二者無一可而先

生行之必且輕於齊而累於楚矣且齊東有巨海索隱有作

渚謂東有大海之渚也南有琅邪集解郭璞曰山名在琅邪縣界正義

山名在密州東南百三十里琅邪臺在山上觀乎成山集解徐廣曰在東萊不夜縣索隱張揖云

觀闕也於山上築宮闕郭璞言在小游觀音一喚反正義封禪書云成山斗入海言上山觀也括地志云成山

在萊州文登縣東射乎之罘集解駉案漢書音義曰之罘山在牟平縣射獵其上

也正義括地志云罘山在萊州文登縣浮勃澥集解駉案漢書

音義曰海別枝名也索隱案齊游孟諸集解郭璞曰宋都賦云海旁曰勃斷水曰澥也之藪澤名正義

周禮職方氏青州藪曰望諸鄭玄云望諸孟豬也

邪與肅慎為隣

正義邪謂東北接之括地

志云棘鞬國古肅慎也亦曰挹婁在京東北八千四百里南去扶餘千五百里東及北各抵大海也

右以

湯谷為界

正義言右者北向天子也海外經云湯谷在黑齒北上有扶桑木水中十日所浴張揖云

日所出也許慎云熱如湯

烱田乎青丘傍徨乎海外

正義服虔云青丘國在海東三

百里郭云青丘山名上有田亦有國出九尾狐在海外

吞若雲夢者八九其於胃

中曾不蒂芥

索隱張揖云蒂芥刺鯁也郭璞云言不覺有也

若乃倂儻瑰偉異

方殊類珍怪鳥獸萬端鱗萃充仞其中者不可勝記禹

不能名契不能計

正義禹為堯司空辨九州土地山川草木禽獸契為司徒敷五教主四方

會計言二人猶不能名計其數然在諸侯之位不敢言遊戲之樂苑囿

之大先生又見客

索隱先生指子虛也如淳曰見賓客禮待故也李善曰言見先生是賓客

也是以王辭而不能復索隱郭璞曰復答也何為無用應哉無是

公听然而笑

集解郭璞曰听笑貌也索隱听音斷又音牛隱反

曰楚則失矣齊

亦未為得也夫使諸侯納貢者非為財幣所以述職也

封疆畫界者非為守禦所以禁淫也今齊列為東藩而

外私肅慎捐國踰限越海而田其於義故未可也且二

君之論不務明君臣之義而正諸侯之禮徒事爭游獵

之樂苑囿之大欲以奢侈相勝荒淫相越此不可以揚
名發譽而適足以貶君自損也且夫齊楚之事又焉足
道邪君未睹夫巨麗也獨不聞天子之上林乎左蒼梧

右西極

集解郭璞曰西極國也正義文類云蒼梧郡屬交州在長安東南故言左爾雅云西至於幽國

為極在長安西故言右

丹水更其南

集解駉案漢書音義曰丹水出上洛冢領山

紫淵

徑其北

集解郭璞曰紫淵所未詳正義山海經云紫淵水出根脊之山西流注河文類云西河殺羅縣

有紫澤其水紫色注亦紫在縣北於長安為北

終始霸漚出入涇渭

索隱張揖曰霸出藍

田西北而入渭漚亦出藍田谷北至霸陵入霸霸漚二水盡於苑中不出故云終始也涇渭二水從苑外來又

出苑去也涇水出安定涇陽縣笄頭山東至陽陵入
渭渭水出隴西首陽縣烏鼠山東北至華陰入河

鄠

鄠潦滴

集解郭璞曰皆水流貌音決索隱張揖曰豐水出鄠縣南山豐谷北入涇渭

郭璞云鎬水豐水下流也應劭云潦流也滴涌出聲也案張揖云滴水出南山姚氏云潦或作滂滂水出鄠縣

北注渭滴水出杜陵今名沉水自南山皇子陂西北流注昆明池入渭案此文八川分流則從涇渭霸漚豐

鎬潦滴為八晉灼則云計從丹水以下至滴除潦為行潦凡九從霸漚以下為數凡七案今滴既是水名除丹

水紫淵自霸以下通數適足八川是經營乎其內也又潘岳關中記曰涇渭霸漚豐鎬滂滴上林賦所謂八川

也 分流 紆餘委蛇經營乎其內蕩蕩兮八川分流相背而

異態

集解郭璞曰八川名在上

東西南北馳騫往來出乎椒丘之闕

行乎洲淤之浦

集解郭璞曰椒丘立名言有巖闕也見楚辭淤亦洲名蜀人云見方言索隱服

度云丘名也案兩山俱起象雙闕故云椒丘之闕
楚詞曰馳椒丘旦焉止息是也如淳云丘多椒也

徑乎

桂林之中

集解郭璞曰桂林名也見南海經也

過乎決莽之野

集解駉案漢書

音義曰山海經所謂大荒之野

汨乎渾流順阿而下

集解郭璞曰阿大陵赴隘陝

之口觸穹石激堆埼

集解郭璞曰穹隆大石貌堆沙堆埼曲岸頭音祈

沸乎暴

怒洶涌滂潰

集解駉案洶音許勇反涌音勇滂音浦橫反潰音浦拜反索隱司馬彪曰洶湧跳起

貌澎湃波相撲也湧或作容澎湃或作滂

渾渚瀼汨

索隱司馬彪云渚渚盛貌渚汨去疾也正義畢

渤密三音溈測泌澌

集解郭璞曰溈側筆櫛四音索隱司馬彪曰溈測相迫也泌澌相撲

也橫流逆折轉騰激洄

索隱 蘓林曰 流輕疾也

澎湃沆瀁

索隱 瀁亦作漑

司馬彪云 滂漑水聲 沆漑徐流也 郭璞云 鼓怒鬱鯁之貌也 正義 澎湃彭反 漑漑胡胡反 漑胡代反

穹隆雲撓

索隱 服虔云 水急旋回如雲屈曲也 郭璞云 水隴起回窾也

蜿漣膠戾

索隱

司馬彪云 蜿漣展轉也 膠戾邪曲也 音宛善交戾四音 正義 蜿音婉 漣音善

踰波趨汜

集解 徐廣

曰 烏狹反 索隱 司馬彪云 踰波後陵前也 趨汜輪於深泉也

莅莅下瀨

索隱 司馬彪云 莅莅聲也

音批巖衝壅

正義 批白結反 壅曲隈也 司馬

犇揚滯沛

郭璞

云 滯沛水灑散貌 滯音丑制反

臨坻注壑

正義 坻音遲 坻水中沙微起出水者也 爾雅云 水沚曰坻

壑壙澆澍霄隆

索隱 澆音士湛反 澍音士卓反 說文云 水之小聲也 正義 霄音隕 隆直類反

湛湛

集解徐廣曰湛音沈

隱隱砰磅訇磕

正義砰披萌反磅蒲黃反訇呼宏反磕苦蓋反

皆水流鼓怒之聲也

滴滴淠淠淞淞淞淞

集解郭璞曰淞音秋立反淞音緝索隱郭璞云

皆水微轉細湧貌滴滴淞淞音決骨廣雅云淞淞決流也周成雜字云淞淞水沸之貌也

馳波跳沫

集解

徐廣曰一云吸呬

汨急漂疾

索隱晉灼云急音華給反郭璞云許立反汨急轉貌也

悠遠

長懷

正義放散貌也

寂寥無聲肆乎永歸然後顓𦵏潢漾

正義晃養

二音郭云皆水無涯際也

安翔徐徊翺乎瀇瀇

索隱翺音鶴瀇音編詩曰白鳥翺翺郭璞

音翺瀇音昊也

東注大湖

正義太湖在蘇州西南

衍溢陂池於是

乎蛟龍赤螭

正義螭丑知反文穎云龍子為螭張揖曰雌龍也二說皆非廣雅云有角曰虬無角

曰螭按此皆龍類而非龍

魚鱗蜥離

集解徐廣曰蜥音斬駟索郭璞曰鱗蜥也音亘音蜥離未聞

正義鮠古鄧反鱗末鄧反李奇云周洛曰鮠蜀曰鮠鮠出犂山穴中三月遡河上能度龍門之限則為龍矣

鰕鰕鰕

集解徐廣曰鰕音娛皮有文出樂浪鰕音度鰕音託哆口魚駟索郭璞曰鰕似鰕而黑漢

書音義曰鰕似鯉而大也

禺禺鰕鰕

集解徐廣曰禺禺魚牛也鰕一作鰕駟索

漢書音義曰鰕比目魚也鰕鰕魚

捷鰕擢尾振鱗奮翼潛處于深巖魚

鼈謹聲萬物衆夥明月珠子玢璣江靡

集解郭璞曰靡崖也索隱應劭

云明月珠子生於江中其光耀乃照於江邊也正義捷音乾鰕音祁捷舉也鰕者魚背上鱗也

蜀石黃

碩

集解郭璞曰碩石黃色也

水玉磊砢

集解郭璞曰水玉水精也

磷磷爛爛采色

本作鵠

羣浮乎其上汎泛濫

索隱郭璞云皆鳥任風波自縱漂貌汎音馮泛

音芳劒反廣雅云汎汎汜汜羣浮也

隨風澹淡與波搖蕩掩薄草渚

正義掩覆

也薄依也言或依草渚而遊戲也

唼喋菁藻

集解郭璞曰菁水草呂氏春秋曰太湖之菁也索隱

左傳云蘋蘩藻藻即聚也正義唼疏甲反喋文甲反鳥食之聲也

咀嚼凌藹於是乎崇

山龍從崔巍蹇蹇

正義龍力孔反從子孔反崔在回反巍五回反郭云皆峻貌

深林

鉅木斬巖參差

正義斬音咸又仕銜反參音楚林反差楚宜反顏云斬巖尖銳貌參差不齊也

九變截薛南山戕戕

集解駉案漢書音義曰九變山在左馮翊谷口縣西截薛山在池陽

縣北正義變子公反戕才切反薛五結反

巖陀

集解駉案音通

甌錡推婁崑崎

集解郭璞

曰施崖際音魚晚反錡音蟻推音作罪反振谿通谷

索隱施音牙守隆屈衆折貌崎音倚岨音掘注溪曰谷郭璞云振猶灑之也

蹇產溝瀆

集解駟索漢書音義

曰蹇產屈折也谿呀谿間集解郭璞曰皆澗谷之形容也谿音

隱司馬彪云谿呀大貌谿間空虛也

阜陵別島

正義高平曰陸大陸曰阜大阜曰陵水中山曰島

歲魄裒羸

正義歲於鬼反魄魚鬼反裒丘墟嵬嵬正義烏罪反羸胡罪反皆高峻貌

墟嵬口忽反又口罪反嵬隱韓鬱嵬正義嵬音律郭

降施靡

正義郭璞云施靡猶連延陂池集解郭璞云陂音衣被

陂音皮池音被沉溶淫鬻索隱郭璞云游激淖衍貌正

谿谷之間 **散渙夷陸**

索隱司馬彪云夷平也廣平曰陸

亭臯千里靡不被築

集解郭璞曰言為亭候於臯隰皆築地令平賈山所謂隱以金椎也

掩以綠蕙

正義張云綠王芻也

蕙薰草也顏云綠蕙言蕙草色綠耳非王芻也爾雅云菜一名王芻

被以江離糅以蘼蕪

正義糅女又反**雜以流夷**

集解駉索漢書音義曰流夷新夷也

專結縷

集解徐廣曰專古布

字一作怖駉索漢書音義曰結縷似白茅蔓聯而生布種之者也

攢戾莎

集解徐廣曰草可染紫

揭車衡蘭橐本射干

集解徐廣曰揭音桀駉索郭璞曰揭車一名乞與橐本橐本射干十

月生皆香草索隱索桐君藥錄橐本苗似穹窮

苙薑襄荷

索隱張揖云苙薑子薑也素四人月令生

薑謂之苙薑音紫正義襄人羊反柯根旁生笋若夫蓉可以為道又治蠱毒也

歲橙若蓀

集解郭璞

曰歲末詳橙柚若蓀香草也索隱姚氏以為此前後皆草非橙柚也漢書作歲持小顏云歲寒漿也持當為符字之誤爾符鬼日也素今讀者亦呼為登謂登草也姚氏云蓀草似昌蒲而無脊也生溪澗中蓀音孫

鮮

枝黃礫

集解郭璞云皆未詳索隱張揖云皆草也司馬彪云鮮支即今支子或云鮮枝亦香草也小顏

云黃礫者黃屑木恐非也

蔣芋青蘋

集解徐廣曰芋音佇駟案漢書音義曰蔣菰也芋三稜索隱蘋

音煩布濩閼澤延曼太原麗靡廣衍應風披靡吐芳揚烈

集解郭璞曰香酷烈也

郁郁斐斐衆香發越盼蠻布寫曖曖苾勃

正義曖曖奄愛二音皆芳香之盛也詩云苾苾芬芬氣也

於是乎周覽泛觀瞋盼軋

沕

集解徐廣曰瞋音田人反盼一作絡駟案郭璞曰皆不可分貌

芒芒恍忽視之無端

察之無崖日出東沼入於西陂

索隱張揖云日朝出苑之東池暮入於苑西陂

也其南則隆冬生長踊水躍波獸則獮狁獮聲

其詳徐廣曰獮

音容獸類也聲音狸一音茅駝索郭璞曰狁狁牛獮似

熊犀脚銳頭聲牛黑色出西南徼外也索隱郭璞云獮

獮牛領有肉堆即今之犛牛也張揖云狁狁牛其狀如

牛而四節生毛獮白豹也似熊犀脚銳鬚骨無髓食銅

鐵音陌聲音狸又音茅或沈牛麀麀

集解駝索漢書音以為猫牛毛可為韜是也

正義麀似鹿而赤首園題

集解郭璞曰題額也所未詳窮奇象犀

集解駝索漢書音義曰窮奇狀如牛而蝟毛其音如嗥狗食

人也索隱郭璞云象大獸長鼻牙長一文犀頭似猪犀

脚一角其北則盛夏含凍裂地涉冰揭河

集解郭璞曰在頭也

言水漫凍不

解地折裂也揭褰衣

獸則麒麟角觶

集解郭璞曰角觶音端似豬角在鼻上堪作弓李陵嘗以

此弓十張遺蕪武也索隱張揖曰雄曰麒麟雌曰麟其狀

麋身牛尾狼蹄一角郭璞云麒麟似麟而無角毛詩疏云

麟黃色也張揖云角端似牛角可以為弓

蛩蛩驪駃騠驢騾

正義駒駃駃徒二音素音託駃徒河反蛩音其恭反驪驪音顛與駃

驪音決啼

於是乎離宮別館彌山跨谷

正義彌滿也跨猶騎也言宮館滿山又跨

谿谷也

高廊四注重坐曲閣

集解郭璞曰重坐重軒也曲閣閣道曲也

華棖璧

瑠頭司馬彪曰以璧為瓦之當也

輦道纚屬步櫚周流

長途中宿

集解郭璞曰途中宿言長遠也

夷巖築堂累臺增成

巖突洞房

集解郭璞曰巖山名平之以安堂其上成亦重也周禮曰為壇三成在巖穴底為室潛通

臺上者索隱服虔曰平巖山以為堂也張揖云重累而成之故曰增成突音一弔反釋名以為突幽也楚詞云

冬有突厦室寒王逸以為複室也

俛杳眇而無見仰攀椽而捫天奔星

更於閨闈宛虹拖於楯軒

集解徐廣曰楯音食尹反正義拖音徒我反顏云宛虹屈

曲之虹拖謂中加於上也楯軒之閨板也言室宇之高故星虹得經加之

青蚪蚪蟠於東箱

正義蚪一糾反

象輿婉蟬於西清

集解駉案漢書音義曰山出象輿瑞應車也郭

璞曰西清西箱清淨地也正義婉蟬宛善二音顏云蚪蚪婉蟬皆行動之貌也

靈園燕於間觀

集解郭璞曰靈園淳園仙人名也索隱張揖云靈園衆仙號淮南子云騎飛龍從淳園是也

倕仝之

倫暴於南榮

集解駢業漢書音義曰僊陰仙人名也索隱韋昭云古仙人姓僊列仙傳云槐里採

藥父也食松形體生毛數寸方眼能行逮走馬也應劭曰南榮屋簷兩頭如翼也故鄭玄云榮屋翼也高誘云

飛榮似鳥舒是也

醴泉涌於清室通川過乎中庭槃石

振崖

集解徐廣曰振音脣索隱如淳曰振音振振盛也李奇云振整也整頓池外之厓音之忍反

欽

巖倚傾差栽礫礫

集解徐廣曰栽一作池礫音離礫音五合反索隱埤蒼云礫礫高貌礫音

士劫反礫音五揖反又字林音礫才匣反礫五匣反

刻削崢嶸

正義郭云言自

瑰碧琳珊瑚叢生

正義郭璞曰珊瑚生水底石邊大者樹高三尺餘枝格交錯無有葉者也

瑇瑁旁唐

索隱郭璞云旁唐言盤薄

瑣瑣文鱗

集解徐廣曰瑣音彬瑣音班

赤瑕

駁華

索隱說文云瑕玉之小赤色張揖曰赤玉也司馬彪云駁華朱點也華音洛角反

雜重其

間

集解徐廣曰雜一云插市一云還

垂綏琬琰和氏出焉

集解徐廣曰垂綏一作朝

采駟案郭璞曰汲冢竹書曰桀伐岷山得女二人曰琬

曰琰桀愛二女斲其名于苔華之玉苔是琬華是琰也

於是乎盧橘夏孰

集解郭璞曰今蜀中有給客橙似橘而非若柚而芬香冬夏華實相繼或

如彈丸或如拳通歲食之即盧橘也索隱應劭云伊尹書曰果之美者箕山之東青鳥之所有盧橘夏熟晉灼

曰此雖賦上林博引異方珍奇不係於一也案廣州記云盧橘皮厚大小如甘酢多九月結實正赤明年二月

更青黑夏熟吳錄云建安有橘冬月樹上覆裘明年夏色變青黑其味甚甘美盧即黑色是也黃甘橙

楸

集解徐廣曰音湊橘屬

枇杷樵柿

集解徐廣曰樵音而善反果也索隱張揖云樵樵支香草

也韋昭曰樵音汝蕭反郭璞云樵支木也樵音烟此說為近說文曰樵酸小棗也淮南子云伐樵棗以為矜音

勤
檟
檟厚朴

集解徐廣云檟音亭山梨索隱司馬彪曰上黨謂之檟檟齊都賦云檟檟熟也厚朴

藥名
檟棗楊梅

集解徐廣曰檟音弋并反檟棗似柿索隱張揖曰楊梅實似穀子而有核其味

酢出江南荆揚異物志其實外內著核熟時正赤味甘酸也

櫻桃蒲陶

集解郭璞曰蒲陶似燕蓂

可作酒也索隱張揖云櫻桃一名含桃呂氏春秋云鴛鳥所舍故曰含桃爾雅謂之荆桃也

隱夫鬱

棣
棣
棣荔枝

集解徐廣曰鬱一作真棣音答駟案郭璞曰鬱車下李也棣實似櫻桃棣探似李棣

音建標音沓隱夫未聞索隱晉灼曰荔枝大如雞子皮麤剝去皮肌如雞子中黃其味甘多酢少廣志云樹高

五六丈如桂樹綠葉冬夏青茂有華朱色荔字或作離音力致反

羅乎後宮列乎北園

胞丘陵

集解郭璞曰胞猶延也音施

下平原揚翠葉杌紫莖

集解郭璞曰杌

也搖發紅華秀朱榮煌煌扈扈照曜鉅野沙棠櫟櫛

集解

漢書音義曰沙棠似棠黃華赤實其味如李呂氏春秋曰果之美者沙棠之實櫟果名櫛似櫟葉冬不落也

華汜櫛櫛

集解徐廣曰汜一作楓駟案漢書音義曰華木皮可以為索也索隱古今字林云櫛合榘

也郭璞云楓似白楊葉圓而岐有脂而香榘為舍人曰楓為樹厚葉弱莖大風則鳴故曰攝攝攝平仲木也

亦云火櫟木一云玉精食其子得為神仙也

留落胥餘仁頻并閭

集解徐廣曰頻一作

賓駟案郭璞曰落獲也胥餘似并閭并閭搜也皮可作索餘未詳索隱晉灼曰留閭未詳司馬彪云胥邪樹高

十尋葉在其末異物志實大如敷繫在顛若挂物實外有皮中有核如胡桃核裏有膚厚半寸如猪膏裏有汁

斗餘清如水味美於蜜也孟康曰仁頻樓也姚氏云櫟
櫟一名樓即仁頻也林邑記云樹葉似甘蔗頻音賓櫟

檀木蘭豫章女貞

集解駟案漢書音義曰櫟檀櫟別名也女貞木葉冬不落索隱櫟音讒皇

覽云孔子墓後有櫟檀樹也荊州記宜都有喬木叢生名為女貞

長千仞大連抱夸條

直暢實葉後茂攢立叢倚連卷累侘崔錯登飀

集解駟案古委

字 阮衡間砢

集解徐廣曰登音拔駟案郭璞曰飀音委間音惡可反砢音魯可反索隱郭璞云崔

錯登飀者蟠戾相樛也阮衡間砢者揭擗傾敵貌也

垂條扶於落英幡纚

集解郭璞曰扶

於猶扶疎也幡纚偏幡也音灑索隱皆飛揚貌也纚音所綺反

紛容蕭瑟旖旎從風

張揖云旖旎猶阿那也

瀏莅蒨吸

集解徐廣曰莅音栗索隱郭璞云皆林木鼓動之聲瀏音留莅

如字辨古卉
字吸音翕

蓋象金石之聲

正義金鐘石磬

管籥之音

正義廣雅云象

箎長一尺圍一寸有六孔無底籥謂之笛有七孔說文云籥三孔籥也

柴池訖虎

集解徐廣曰柴

音差虎音多索隱張揖云柴池參差也訖虎不齊也訖音差虎音側氏反

旋環後宮雜還累

輯

集解徐廣曰雜一作插

被山緣谷循阪下隰視之無端究之無

窮於是玄猿素雌雌攫飛鵠

集解徐廣曰雌音于季反駟索漢書音義曰雌似獼

猴仰鼻而長尾攫似獼猴而大飛鵠飛鼠也其狀如兔而鼠首以其類飛也索隱郭璞曰鵠鵠鼠也紫毛赤色

飛且生一名飛生雌音贈遺之遺鵠音誅玄猿猿之雄者黑色也素雌猿之雌者素色也攫音古約反雌今狢

尾端為兩岐天兩便以尾插鼻兩孔郭璞云攫色蒼黑能攫搏人故云攫也

蛭蜩蠹

集解徐廣

曰蛭音質駟案漢書音義曰山海經曰不咸之山有飛
蛭四翼郭璞曰蠃蛭似獼猴而黃蛭未聞索隱張揖云

蛭蟻也蛭蟬也蠃獼猴也顧氏云蠃音塗卓反山海

經云鼻塗山下有獸似鹿馬足人首四角名為蠃獼猴

即此也字或作蠃郭璞云蠃非也上已有蠃獼此不應

重見又神異經云西方深山有獸毛色如猴能緣高木

其名為蛭字林云蛭

音狄蛭蛭二獸名 蜥胡毅蛭反集解徐廣曰蜥音在廉

反蛭音詭駟案漢書音義曰毅白狐子也索隱張揖云

蜥胡似獼猴頭上有髮蜥以後黑郭璞曰毅似鮑而大

蜥以後黃一名黃蜥食獼猴蛭未聞姚氏案山經云即

山有獸狀如龜白身赤首其名曰蛭又說文云蜥胡黑

身白蜥若帶手有

長白毛似掘板也 棲息乎其間長嘯哀鳴翮幡互經正

郭云互經

互相經過 天矯枝格偃蹇杪顛正義天音妖矯音杪杪

音弭沼反郭云皆猿猴

在樹共戲恣態也天矯頻申也

於是乎險絕梁

正義張云絕梁斷橋也郭云梁厚石絕水也

騰殊榛

正義榛仕斤反爾雅云木藂生為榛也殊異也

捷垂條

正義捷音才業反張云捷特懸

垂之

踔稀間

集解郭璞曰踔縣踔也託釣反

牢落陸離爛曼遠遷

正義郭云

奔走崩騰狀也顏云言其聚散不常雜亂移徙

若此輩者數千百處嬉游往來

宮宿館客庖廚不徙後宮不移

正義說文云庖廚屋鄭玄注周禮云庖言苞也

苞裹肉曰苞苴也後宮內人也言宮館各自有

百官備具於是乎背秋涉冬天

子校獵乘鏤象六玉蚪

集解徐廣曰以玉為飾駟紫郭璞曰鏤象山所出與言有雕鏤

蚪龍屬也韓子曰黃帝駕象車六交龍是也

拖蜺旌

正義拖音徒可反張云析毛羽染以五絲綴以

縷為旌有
似虹蜺氣

靡雲旗

正義張云畫熊虎於旌似雲氣也

前皮軒後道游

集解

郭璞曰皮軒草車也或曰即曲禮前有士師則載虎皮者也道道車游游車皆見周禮也

孫叔奉轡

衛公驂乘

集解駟案漢書音義曰孫叔者太僕公孫賀也衛公者衛青也大僕御大將軍驂乘也

扈從橫行出乎四校之中

集解郭璞曰言跋扈從恣不安鹵簿矣索隱晉灼云扈大

也文穎曰凡五校今言四者一隨天子乘輿也

鼓嚴簿縱獠者

集解駟案漢書音義曰鼓嚴嚴

鼓也簿鹵簿也駟謂鼓嚴於林簿之中然後縱獠也

江河為陸泰山為櫓

集解郭璞曰櫓

望樓也因山谷遮禽獸為法音去車反

車騎雷起隱天動地先後陸離離

散別追淫淫裔裔緣陵流澤雲布雨施生貔豹

集解郭璞曰貔

執夷虎屬也音毗

搏豺狼

正義搏擊也杜林云豺似猶白色說文云狼爪

手熊羆

正義張云

熊犬身人足黑色羆大於熊黃白色皆能攀沿上高樹冬至入穴而蟄沿春而出也

足野羊

集解郭璞

曰野羊如羊千斤手足謂拍踰殺之

蒙鵑蘇

集解徐廣曰蕪尾也索隱孟康云鵑鵑尾也蘇析羽也張

揖云鵑似雉雞闕死不却索蒙謂覆而取之鵑以蘇為奇故特言之以成文耳鵑音曷決疑注云鳥尾為蘇也

絳白虎

集解徐廣曰絳音務駟索郭璞曰絳謂絳絡之索隱張揖云著白虎之絳也

被函文

集解郭璞曰著斑衣索隱與服志云虎賁騎鵑冠武文單衣即此斑文也

跨野馬

索隱跨乘之也

陵

三變之危

集解駟索漢書音義曰三變三成之山

下磧歷之坻

集解郭璞曰磧歷阪

名也正義坻音遲磧歷淺水中沙徑陵赴險越壑厲水石也坻水中高處言獵人下此也

推蜚廉

集解郭璞曰飛廉龍雀也鳥身鹿頭者

弄解豸

集解駉案漢書音義曰解豸似鹿而

一角人君刑罰得中則生於朝廷主觸不直者可得而弄也索隱解音蟹豸音丈妳反

格蝦蛤鉞

猛氏

集解駉案漢書音義曰蝦蛤猛氏皆獸名索隱晉灼曰蝦蛤闕郭璞曰今蜀中有獸狀如熊而小毛

淺有光澤名猛氏說文鉞小矛也音蟬

胃驤裹射封豕

集解郭璞曰驤裹神馬日行萬里兩

音窈嫗封豕大猪

箭不苟害解脰陷腦

索隱張揖云脰項也陷音苦念反亦依字讀也

弓不虛發應聲而倒於是乎乘輿彌節裴回翱翔往來

睨部曲之進退覽將率之變態然後浸潭促節

索隱浸潭猶漸

冉也漢書作浸淫或作乘輿案節也

儵負遠去

集解郭璞曰負音訓盛反

流離輕禽聲

履狡獸轄白鹿捷狡兔

集解徐廣曰轄音銳一作轄也正義轄音衡抱朴子云白鹿壽

千歲滿五百歲色純白也晉徵祥記云白鹿色若霜不與他鹿為羣

軼赤電遺光耀

集解徐廣

曰超陵赤電電光不及言去速也

追怪物出宇宙

正義怪物謂游臬飛虞也張云天地四方

曰宇往古來今曰宙許慎云宙舟輿所極也按許說宙是也

彎繁弱

正義上烏繁反文穎云彎牽也

繁弱夏后氏良弓名左傳云分魯公以夏后之璜封父之繁弱

滿白羽

正義文穎云引弓盡箭鏑為滿

以白羽羽箭故云白羽也

射游臬標蜚虞

集解郭璞曰臬臬羊也似人長脣反踵被髮食人飛

虞鹿頭龍身神獸標梢也

擇肉後發先中命處弦矢分藝殪仆

集解徐廣

曰射準的曰藝仆音赴

然後揚節而上浮陵驚風歷駭颺

正義颺音必遠

反爾雅云謂暴風從下升上故曰飈

乘虛無與神俱

正義張云虛無寥廓與元通靈言其所乘

氣之高故能出飛鳥之上而與神俱也

韓玄鶴亂昆雞

集解徐廣曰韓音蹯正義韓音玄鶴

二百六十歲則淺黑色也

適孔鸞促駿驥拂鸞鳥捎鳳皇

集解駉案漢書音義

曰道秦由反鸞鳥雞反張云山海經云九疑之山有五

彩之鳥名曰鸞鳥也正義捎山交反京房易傳云鳳皇

鴈前麟後雞喙燕頤蛇頸龜背魚尾駢翼高丈二尺東

山經云其狀如鶴五采而首文曰經翼文曰順背文曰

義膺文曰仁股文曰信是鳥

捷駕雛掩焦明

集解駉案鷦明似鳳

索隱張揖云鷦明西方之鳥也樂汁圖徵曰鷦明狀似

鳳皇宋衷曰水鳥也正義按長喙踈翼覓尾非幽閑不

集非珍

道盡塗殫迴車而還招搖乎襄羊

索隱郭璞曰襄羊猶仿佯

降集乎北紘

集解郭璞曰紘維也北方之紘曰委羽

率乎直指閭乎反鄉

慶石闕歷封巒過鳩鵲望露寒

集解徐廣曰鳩音支鵲音漢書音義曰皆甘泉

宮左右觀名也

下棠梨

集解駉音漢書音義曰宮名也在雲陽縣東南三十里

息宜春

正

括地志云宜春宮在雍州萬年縣西南三十里

西馳宣曲濯鵠牛首

集解駉音漢書音義

曰宣曲宮名在昆明池西牛首池名在上林苑西頭

登龍臺

集解駉音漢書音義曰觀名在豐水西北

近掩細柳正義郭云觀名在昆明南柳市

觀士大夫之勤略鈞獠者之

所得獲

集解徐廣曰鈞一作診也

觀徒車之所韓轆

正義韓踐也轆輓也

乘騎

之所踈若

集解徐廣曰踈音人久反

人民之所蹈躅與其窮極倦飢

集解徐廣曰音劇

驚憚惛伏不被創刃而死者佗佗籍籍填坑

滿谷拚平彌澤於是乎游戲懈怠置酒乎昊天之臺

索隱

張揖曰臺高上干昊天也

張樂乎輶輶之宇

集解徐廣曰輶音葛索隱郭璞云言曠遠深貌

也撞千石之鍾立萬石之鉅建翠華之旗樹靈囂之鼓

集解郭璞曰木貫鼓中加羽葆其上所謂樹鼓

奏陶唐氏之舞聽葛天氏之歌

集解駉案漢書音義曰葛天氏古帝王號也呂氏春秋曰葛天氏之樂三人操牛尾投足以歌索隱張揖曰葛天氏三皇時君號也呂氏春秋云其樂三人持牛尾投足以歌八闋一曰戴民二曰玄身三曰遂草木四曰奮五穀五曰敬天常六曰建帝功七曰依地德八曰總禽獸之極

千人唱萬人山陵為

之震動

集解徐廣曰一作勳

川谷為之蕩波巴俞宋蔡淮南子遮

集解郭璞曰巴西閬中有渝水獠人居其上皆剛勇好舞漢高募此以平三秦後使樂府習之因名巴渝舞也

駟案漢書音義曰子遮歌曲名索隱張揖曰禮樂記云宋音宴女溺志蔡人謳員三人楚詞云吳謠蔡謳淮南鼓

員四人子遮曲是其意也

文成顛歌

集解郭璞曰未聞也索隱文類曰文成遠西縣名其縣人善歌

顛蓋州顛縣其人能作西南夷歌顛即滇字

族舉遞奏

集解徐廣曰舉一作居

金鼓送

起鏗鎗鐺磬洞心駭耳

集解郭璞曰鐺磬鼓音

荆吳鄭衛之聲韶

濩武象之樂陰淫繁衍之音鄙郢縵紛激楚結風

集解郭璞

曰激楚歌曲也列女傳曰聽激楚之遺風也索隱激楚急風也結風回風亦急風也楚地風氣既自漂疾然歌

樂者猶復依激結之急風俳優侏儒狄鞮之倡集解徐廣曰韋

昭云狄鞮地名在河內出善倡者所以娛耳目而樂心意者麗靡爛漫

於前

索隱郭璞云言恣其觀也列女傳曰桀造爛漫之樂

靡曼美色於後

索隱張揖曰靡

細曼澤也韓子曰曼服皓齒也

若夫青琴宓妃之徒

集解駰案漢書音義曰皆古神女名

索隱伏儼曰青琴古神女也如淳曰宓妃伏義女溺死洛水遂為洛水之神宓音伏

絕殊離俗

索隱

郭璞曰俗無雙也

姣冶嫋都

索隱郭璞云姣好也都雅也詩云姣人嫋兮方言云自闕而東河濟

之間凡好或謂之姣音絞說文嫋雅也或作閼漢書本作閼

靚莊刻飭便嬛綽約

集解

郭璞曰靚莊粉白黛黑也

柔橈嫋嫋

集解徐廣曰音娟索隱柔橈嫋嫋皆骨體柔弱長艷貌也廣雅

云嬛嬛容也張揖**娥媚**婢集解徐廣曰婢音乃冉反

曰嬛嬛猶婉婉也**娥媚**婢集解徐廣曰婢音乃冉反

悅也通俗文云頰輔謂之媼郭璞云**娥媚**婢集解徐廣曰婢音乃冉反

也郭璞曰獨繭繭絲也婢蒼云袍衣長貌也**眇**閭易以

戍削集解徐廣曰閭易衣長**媼**媼集解徐廣曰媼媼貌

音白結反獨音屑與世殊服芬香溫鬱酷烈淑郁皓

齒粲爛宜笑的礫索隱郭璞曰鮮明貌也楚詞曰美人皓齒以媼又曰蛾眉笑以的礫音礫

也長眉連娟微睇繇貌索隱郭璞曰連娟眉曲細也綿

大計反色授魂與心愉於側索隱張揖曰彼色來授我

也悅也二
義並通

於是酒中樂酣天子芒然而思似若有亡曰

嗟乎此泰奢侈朕以覽聽餘間無事棄日順天道以殺

伐時休息於此恐後世靡麗遂往而不反非所以為繼

嗣創業垂統也於是乃解酒罷獵而命有司曰地可以

墾辟悉為農郊以瞻萌隸墮牆填塹使山澤之民得至

焉實陂池而勿禁

正義實滿也言人滿陂池任採捕所取也

虛宮觀而勿侈

正義初音刃亦滿也言離宮別館勿令人居上並廢罷也

發倉廩以振貧窮補不足

恤鰥寡存孤獨出德號省刑罰改制度易服色更正朔

與天下為始於是歷吉日以齊戒襲朝衣乘法駕建華

旗鳴玉鸞游乎六藝之囿

正義六藝云言田獵訖則遍游六藝而疾驅於仁義之道

也驚乎仁義之塗覽觀春秋之林

集解郭璞曰春秋所以觀成敗明善惡也

射狸首兼騶虞

集解騶虞禮射義曰天子以騶虞為節諸侯以狸首為節騶虞者樂官備也狸

首者樂會時也

弋玄鶴建干戚載雲罕揜羣雅

集解騶虞樂漢書音義曰大雅小

雅也索隱張揖曰罕車也前有九旒雲罕之車說者以雲罕為旌旗皆非也且案中朝鹵簿圖云雲罕駕騶不

兼言九旒罕車與九旒車別也揜捕也張揖曰詩小雅之材七十四人大雅之材三十一人故曰羣雅也悲

伐檀

索隱張揖曰其詩刺賢者不遇明主

樂樂胥

索隱毛詩桑扈云君子樂胥受天之祜言王者

樂得賢材之人使在位故天與脩容乎禮園

正義禮所以自修飾

之福祿也胥音先呂反樂音洛

正義尚書所以明

整威儀也翱翔于書圃

正義易所以繫靜微

妙上辨二儀陰陽中知人事下明地理

也言田獵乃射訖又歷涉六經之要也

放怪獸

正義張云苑中

奇怪之獸不復獵也

登明堂坐清廟

正義明堂有五帝廟故言清廟王者朝諸侯之處

恣

羣臣奏得失四海之內靡不受獲

正義言天下之人無不受恩惠

於斯

之時天下大說嚮風而聽隨流而化喟然興道而遷義

索隱漢書作焮然猶欸然也音許貴反

刑錯而不用德隆乎三皇功美於

五帝

索隱司馬彪云美溢也音怡戰反

若此故獵乃可喜也若夫終日

暴露馳騁勞神苦形罷車馬之用抗士卒之精

音索隱抗
音五官

反費府庫之財而無德厚之恩務在獨樂不顧衆庶忘

國家之政而貪雉兔之獲則仁者不由也從此觀之齊

楚之事豈不哀哉地方不過千里而囿居九百是草木

不得墾辟而民無所食也夫以諸侯之細而樂萬乘之

所侈僕恐百姓之被其尤也於是二子愀然改容

音索隱
郭璞

云愀變色貌
音作酉反

超若自失逡巡辟席曰鄙人固陋不知忌

諱乃今日見教謹聞命矣賦奏天子以為郎無是公言

天子上林廣大山谷水泉萬物及子虛言楚雲夢所有

甚衆侈靡過其實且非義理所尚故刪取其要歸正道

而論之

索隱大顏云不取其夸奢靡麗之論唯取終篇歸於正道耳小顏云刪取非謂削除其詞而說

者謂此賦已經史家刊別失其意也相如為郎數歲會唐蒙使略通夜郎

西轅中

集解徐廣曰羗之別種也音扶逼反索隱張揖云蒙故鄱陽令為郎中使行略取之文穎曰夜

郎轅中皆西南夷後以為牂牁犍為二郡轅音步北反發巴蜀吏卒千人

索隱案巴蜀二

都名郡又多為發轉漕萬餘人用興法

集解駸案漢書曰用軍興法也誅

其渠帥巴蜀民大驚恐上聞之乃使相如責唐蒙因喻

告巴蜀民以非上意檄曰告巴蜀太守蠻夷自擅不討

之日久矣時侵犯邊境勞士大夫陛下即位存撫天下

輯安中國然後興師出兵北征匈奴單于怖駭交臂受

事詘膝請和康居西域重譯請朝稽首來享移師東指

閩越相誅右弔番禺太子入朝

索隱文穎曰番禺南海郡理也弔至也東伐閩

越後至番禺故言右至非也案姚氏弔讀如字小顏云

兩國相伐漢發兵救之南越蒙天子德惠故遣太子入

朝所以云弔

爾非訓至也南夷之君西僊之長常效貢職不敢怠墮

延頸舉踵喁喁然

正義喁五恭反口向上也

皆爭歸義欲為臣妾道

里遼遠山川阻深不能自致夫不順者已誅而為善者

未賞故遣中郎將往賓之

索隱賈逵云賓伏也

發巴蜀士民各五

百人以奉幣帛衛使者不然靡有兵革之事戰鬪之患

今聞其乃發軍興制驚懼子弟憂患長老

索隱張揖云發軍謂發三

軍之衆與制謂起軍法誅渠帥也案唐蒙為使而用軍興法制故驚懼蜀人也

郡又擅為轉粟

運輸皆非陛下之意也當行者或亡逃自賊殺亦非人

臣之節也夫邊郡之士聞烽舉燧燔

集解駉案漢書音義曰烽如覆米箕

縣著桔槔頭有冠則舉之燧積薪有冠則燔然之索隱字林云箕流米箕也音一六反纂要云箕浙箕也烽見

敵則舉燧有難則
焚烽主晝燧主夜

皆攝弓而馳

索隱攝音
女頰反

荷兵而走流

汗相屬唯恐居後觸白刃冒流矢義不反顧計不旋踵

人懷怒心如報私讎彼豈樂死惡生非編列之民而與

巴蜀異主哉計深慮遠急國家之難而樂盡人臣之道

也故有剖符之封析珪而爵

索隱如淳曰析中分也
白藏天子青在諸侯也

位

為通侯居列東第

索隱列甲第在帝
城東故云東第也

終則遺顯號於後

世傳土地於子孫行事甚忠敬居位甚安佚名聲施於

無窮功烈著而不滅是以賢人君子肝腦塗中原膏液

潤野草而不辭也今奉幣役至南夷即自賊殺或亡逃
抵誅身死無名謚為至愚恥及父母為天下笑人之度
量相越豈不遠哉然此非獨行者之罪也父兄之教不
先子弟之率不謹也寡廉鮮耳而俗不長厚也其被刑
戮不亦宜乎陛下患使者有司之若彼悼不肖愚民之
如此故遣信使曉喻百姓以發卒之事因數之以不忠
死亡之罪讓三老孝弟以不教誨之過方今田時重煩
百姓索隱重猶難也已親見近縣恐遠所谿谷山澤之民不偏

聞檄到亟下縣道

集解駟案漢書百官表曰縣有蠻夷曰道索隱亟音紀力反亟急也使

咸知陛下之意唯毋忽也相如還報唐蒙已略通夜郎

因通西南夷道發巴蜀廣漢卒作者數萬人治道二歲

道不成士卒多物故費以巨萬計

索隱案巨萬猶萬萬也數有大小二法張

揖曰算法萬萬為億是小數也

蜀民及漢用事者多言其不便

索隱案謂公卿

所言也是時邛笮之君長

索隱文穎曰邛者今為邛都縣笮者今為定笮縣皆屬越雋郡

也聞南夷與漢通得賞賜多多欲願為內臣妾請吏比

南夷

索隱謂請置漢吏與南夷為比例也

天子問相如相如曰邛笮冉駹

者近蜀道亦易通秦時嘗通為郡縣至漢興而罷今誠

復通為置郡縣愈於南夷

索隱張揖曰愈差也又云愈猶勝也晉灼曰南夷謂犍為

牂牁也西南謂越雋益州也

天子以為然乃拜相如為中郎將

索隱四百

石五歲遷補大縣令

建節往使副使王然于壺充國

索隱案漢書公卿表太初

元年為大鴻臚卿也

呂越人馳四乘之傳因巴蜀吏幣物以賂西

夷至蜀蜀太守以下郊迎縣令負弩矢先驅

索隱案亭吏名亭長

弩矢合是亭長負之今縣令自負矢則亭長當負弩也
且負弩是守宰無定或隨時輕重耳按霍去病出擊匈奴
河東太守郊迎負弩又魏公子救趙擊秦秦
軍解去平原君負輶矢迎公子於界上是也

蜀人以

為寵

索隱華陽國志云蜀大城北十里有升僊橋送客觀相如初入長安題其門云不乘赤車駟馬不過

汝下也

於是卓王孫臨邛諸公皆因門下獻牛酒以交驩

卓王孫喟然而歎自以得使女尚司馬長卿晚

索隱小顏云尚

猶配也本或作當蓋後人改爾

而厚分與其女財與男等同司馬長卿

便略定西夷邛笮冉駹斯榆之君皆請為內臣

索隱鄭氏斯音

曳張揖云斯俞才俞國也案今斯讀如字益部耆舊傳謂之斯叟華陽國志云邛都縣有四部斯叟一也

除

邊關關益斥

索隱張揖曰斥廣也

西至沫若水

索隱張揖曰沫水出蜀廣平徼外與

青衣水合也若水出旄牛徼外至犍道入南至牂牁為江華陽國志漢嘉縣有沫水音妹又音末

徼

索隱張揖云徼塞也
以木柵水為蠻夷界

通零關道

集解徐廣曰越
雋有零關縣

橋孫

水

集解韋昭曰
為孫水作橋

以通邛都

索隱案華陽國志云相如卒
開犍道通南中置越雋郡韓

說開益州唐蒙開牂牁
斬筰王首置牂牁郡也

還報天子天子大說相如使時

蜀長老多言通西南夷不為用唯大臣亦以為然相如

欲諫業已建之不敢

索隱案業者本也本由相
如立此事故不敢更諫

乃著書

籍以蜀父老為辭而已詰難之以風天子且因宣其使

指令百姓知天子之意其辭曰漢興七十有八載

集解
徐廣

曰元光
六年也德茂存乎六世

正義高祖惠帝高
后孝文孝景孝武

威武紛紜湛

恩汪濊

索隱韋昭云湛音沉

羣生澍濡洋溢乎方外於是乃命使

西征隨流而攘

索隱攘却也音女羊反

風之所被罔不披靡因朝

冉從駝定笮存邛略斯榆舉苞滿

索隱服虔云夷種也滿字或作蒲也結

軌還轅

索隱張揖云結屈也軌車迹也

東鄉將報至于蜀都耆老大夫

薦紳先生之徒二十有七人儼然造焉辭畢因進曰蓋

聞天子之於夷狄也其義羈縻勿絕而已

索隱案羈馬絡頭也縻牛

綱也漢官儀云馬云羈牛云縻言制四夷如牛馬之受羈縻也

今罷三郡之士通夜郎

之塗三年於茲而功不竟士卒罷老萬民不贍今又接

以西夷百姓力屈恐不能卒業此亦使者之累也竊為
左右患之且夫邛笮西越之與中國並也歷年茲多不
可記已仁者不以德來彊者不以力并意者其殆不可
乎今割齊民以附夷狄弊所恃以事無用鄙人固陋不
識所謂使者曰烏謂此邪必若所云則是蜀不變服而
已不化俗也余尚惡聞若說

索隱張揖云惡聞若曹之言也包愷音一故反又音

烏烏者安也

然斯事體大固非觀者之所覲也余之行急其

詳不可得聞已請為大夫粗陳其略蓋世必有非常之

人然後有非常之事有非常之事然後有非常之功非

常者固常之所異也

索隱案常人見之以為異也

故曰非常之原黎

民懼焉

索隱張揖云非常之事其本難知衆人懼也

及臻厥成天下晏如也

昔者鴻水淳出汎濫衍溢民人登降移徙陟隴而不安

夏后氏戚之乃堙鴻水決流䟽河漉沈澹菑

集解徐廣曰流一作

灑索隱流音鹿菑音災漢書作灑沉澹灾解者云灑分也音所宜反澹安也沉深也澹音徒暫反

東歸

之於海而天下永寧當斯之勤豈唯民哉

索隱案謂非獨人勤禹亦

親其勞也心煩於慮而身親其勞躬胝無胥膚不生毛

集解徐廣

曰臑音竹移反臑種也一作臑音湊膚理也臑音臑索
隱張揖曰臑一作臑躬體也臑湊理也韋昭曰臑臑中

小毛也臑音真尸反莊子云禹臑無臑故休烈顯乎無
脛不生毛李願云臑白肉也音蒲末反

窮聲稱決乎于茲且夫賢君之踐位也豈特委瑣握齟

索隱孔文祥云委瑣細碎握齟局促也拘文牽俗循誦習傳當世取說云

爾哉必將崇論閎議創業垂統為萬世規故馳騖乎兼

容并包而勤思乎參天貳地索隱案天子比德於地是
二地也地與己并天為三

是參天也故禮曰天子與天地參是也且詩不云乎普天之下莫非王土

率土之濱莫非王臣集解駟案毛詩
傳曰濱涯也是以六合之內八

方之外浸得衍溢

索隱案浸得猶漸浸也

懷生之物有不浸潤於

澤者賢君恥之今封疆之內冠帶之倫咸獲嘉祉靡有
闕遺矣而夷狄殊俗之國遼絕異黨之地舟輿不通人
迹罕至政教未加流風猶微內之則犯義侵禮於邊境
外之則邪行橫作放弑其上君臣易位尊卑失序父兄
不辜幼孤為奴係纍號泣內嚮而怨曰蓋聞中國有至
仁焉德洋而恩普物靡不得其所今獨曷為遺已舉踵
思慕若枯旱之望雨豔夫為之垂涕

集解徐廣曰豔音戾索隱張揖曰狼

戾之夫也字或作戾盤古戾字况乎上聖又惡能已故北出師以討疆

胡南馳使以誚勁越四面風德二方之君鱗集仰流索隱

二方謂西夷邛樊南夷牂牁夜郎也願得受號者以億計故乃關沫若集解

駟案漢書音義曰以沫若水為關微牂牁鏤零山梁孫原創道德之塗

垂仁義之統將博恩廣施遠撫長駕使䟽遯不閉索隱

言其䟽遠者不被閉絕也阻深闇昧得耀乎光明索隱阻深漢書作

早朝也音妹案以偃甲兵於此而息誅伐於彼遐邇

一體中外提福集解徐廣曰提作提音支索不亦康乎

夫拯民於沈溺奉至尊之休德反衰世之陵遲繼周氏之絕業斯乃天子之急務也百姓雖勞又惡可以已哉且夫王事固未有不始於憂勤而終於佚樂者也然則受命之符合在於此矣

索隱張揖云合在於憂勤佚樂之中也

方將增泰

山之封加梁父之事鳴和鸞揚樂頌上咸五下登三

集解

徐廣曰咸一作函駟葉韋昭曰咸同於五帝登三王之上索隱李奇云五帝之德漢比為減三王之德漢出其上故云減五登三此說非也虞喜志林云相如欲減五帝之一以漢盈之然以漢為五帝之數自然是登於三王之上也今本減或作咸是與韋昭之說符也觀者未睹指聽者未聞音猶鶴

明已翔乎寥廓而羅者猶視乎藪澤悲夫於是諸大夫
芒然喪其所懷來而失厥所以進喟然並稱曰允哉漢
德此鄙人之所願聞也百姓雖怠請以身先之敞罔靡
徙因遷延而辭避

宗隱案敞罔失容也靡徙失正也

其後人有上書言

相如使時受金失官居歲餘復召為郎相如口吃而善
著書常有消渴疾與卓氏婚饒於財其進仕宦未嘗肯
與公卿國家之事稱病閒居不慕官爵常從上至長楊

獵

正義括地志云秦長楊宮在雍州藍屋縣東南三里上起以宮內有長楊樹以為名

是時天子

方好自擊熊羆馳逐野獸相如上疏諫之其辭曰臣聞

物有同類而殊能者故力稱烏獲

索隱張揖曰秦武王力士舉龍文鼎者也

捷言慶忌

索隱張揖曰吳王僚之子

勇期賁育

正義賁音奔孟賁古之勇士水行不避蛟

龍陸行不避豺狼發怒吐氣聲音動天夏育亦古之猛士也

臣之愚竊以為人誠有

之獸亦宜然今陛下好陵阻險射猛獸卒然遇軼材之

獸

索隱廣雅云卒暴也音倉沒反

駭不存之地

正義謂所不慮而猛獸駭發也

犯屬車

之清塵

集解蔡邕曰古者諸侯貳車九乘秦滅九國兼其車服故大駕屬車八十一乘

輿不及

還轅人不暇施巧雖有烏獲逢蒙之伎力不得用

集解駟案

吳越春秋曰羿傳射於蓬蒙索隱孟子云蓬蒙學射於羿盡羿之道是也枯木朽株盡為害

矣是胡越起於轂下而羌夷接軫也豈不殆哉雖萬全

無患然本非天子之所宜近也且夫清道而後行中路

而後馳猶時有街櫪之變

集解徐廣曰櫪音巨月反鉤逆者謂之櫪矣索隱張揖曰

街馬勒街也櫪駢馬口長街也周遷輿服志云鉤逆上者為櫪櫪在街中以鐵為之大如雞子鹽鐵論云無街

櫪而櫪悍馬是也

而況涉乎蓬蒿馳乎丘墳前有利獸之樂而

內無存變之意其為禍也不亦難矣夫輕萬乘之重不

以為安而樂出於萬有一危之塗以為娛臣竊為陛下

不取也蓋明者遠見於未萌而智者避危於無形禍固

多藏於隱微而發於人之所忽者也故鄙諺曰家累千

金坐不垂堂

索隱張揖曰畏簷瓦墮中人樂彥云垂邊也近堂邊恐其墮墜也非謂畏簷瓦

此

言雖小可以喻大臣願陛下之留意幸察上善之還過

宜春宮

正義括地志云秦宜春宮在雍州萬年縣西南三十里宜春苑在宮之東杜之南始皇本紀云

葬二世杜南宜春苑中按今宜春宮見二世陵故作賦以哀也

相如奏賦以哀二世行

失也其辭曰登陂池之長阪兮

索隱陂普何反池徒何反

坐入曾宮

之蹉跎

集解駉案漢書音義曰坐並也索隱坐步寸反

臨曲江之隍州兮

集解駉案

漢書音義曰隄長也苑中有曲江之象泉中有長洲也
索隱隄音祈隄即碕字謂曲岸頭也有宮閣路今猶謂

之曲江在杜陵西北五里又三望南山之參差巖巖深
輔舊事云樂游原在西北是也

山之磴磴兮集解徐廣曰磴音力工反索隱磴古江反
晉灼曰磴音籠古礪字蕭該云磴或作礪

長大貌 通谷礪兮礪礪索隱礪音呼舍
反礪音呼加反汨減喻習以永逝

兮索隱汨于筆反汨減疾貌也喻音
許及反漢書作鞞鞞然輕舉意也注平臯之廣衍觀

衆樹之塤蔓兮索隱蔓音
受謂隱也覽竹林之榛榛東馳土山兮

北揭石瀨索隱說文云瀨
水流沙上也彌節容與兮索隱容與
游戲貌也歷弔

二世持身不謹兮亡國失勢信讒不寤兮宗廟滅絕鳴

呼哀哉操行之不得兮墳墓蕪穢而不脩兮魂無歸而

不食負邈絕而不齊兮彌久遠而愈侏精罔聞而飛揚

兮拾九天而永逝

正義太玄經云九天謂一為中天二為上天三為從天四為更天五為辟

天六為廓天七為減天八為沈天九為成天

嗚呼哀哉相如拜為孝文園令

索隱百官志云陵園令六百石掌按行掃除也

天子既美子虛之事相如見上

好僊道因曰上林之事未足美也尚有靡者臣嘗為大

人賦

索隱張揖曰大人喻天子向秀云聖人在位謂之大人張華云相如作遠遊之體以大人賦之也

未就請具而奏之相如以為列僊之傳居山澤間

索隱案傳

者謂相傳以列仙居山澤間音持全反小顏
及劉氏並作儒讀云儒柔術士之稱非也
形容甚臞

集解徐廣曰臞瘦也索隱韋昭曰此非帝王之僂意也
臞瘠也文子云堯臞瘦音巨俱反

乃遂就大人賦其辭曰世有大人兮在于中州宅彌萬

里兮曾不足以少留悲世俗之迫隘兮竭輕舉而遠游

索隱如淳曰武帝云誠得如黃帝
去妻子如脫屣是悲世俗迫隘也
垂絳幡之素蜺兮載

雲氣而上浮建格澤之長竿兮總光耀之采旄

集解駉案漢書

音義曰格澤之氣如炎火狀黃白色起地上至天以此
氣為竿旄葆也總係也係光耀之氣於長竿以為葆者

垂旬始以為慘兮拙彗星而為髻

集解駉案漢書音義曰旬始氣如雄雞縣

於葆下以為旒也臂燕尾也

掉指橋以偃蹇兮又旖旎

以招搖

集解駢案漢書音義曰指橋隨風指靡索

攬攬

搶以為旌兮

正義天官書云天撓長四丈末銳

靡屈虹

而為綢

集解駢案漢書音義曰綢韜也以斷虹為旌杠

或音韜屈

紅沓渺以眩渚兮焱風涌而雲浮

集解駢案

虹斷虹也曰旬始屈虹氣色紅沓眇眩渚闇冥無光也索隱蘇林

曰眩音炫渚音趙晉灼云紅赤色貌沓渺深遠眩渚泥

合也駕應龍象輿之螭略逶麗兮驂赤螭青蚪之螭

蟠蜿蜿蜒低仰天矯据以驕驚兮詘折隆窮

索隱張揖曰据直須也驕

驚縱恣也据音據驕音居召反驚音五到反

蠓以連卷

索隱韋昭曰蠓龍之形貌也音起碧反連

卷音輦卷

沛艾赴蟬乞以佻儼兮

集解駟案漢書音義曰赴蟬申頸低仰也儼不前也

索隱張揖曰赴蟬牙跳也赴音居幼反蟬音許救反

乞舉頭也乞音魚乙反佻音勅吏反儼音魚吏反

放

散畔岸驤以孱顏

索隱服虔曰馬仰頭其口開正孱顏也韋昭曰顏音吾板反詩云兩服上

驤注云驤馬是也

跽蹠鞢容以委麗兮綢繆偃蹇怵矣以梁

倚

集解徐廣曰跽蹠乍前乍卻也跽音丑栗反蹠音勅略反鞢烏葛反鞢音曷綢一作雕矣音他略反綢案

漢書音義曰怵矣走也梁倚相著也索隱張揖曰跽蹠

疾行互前却也鞢鞢搖目吐舌也跽音褚栗反蹠音褚

略反鞢音遏鞢音曷綢音徒弔反張揖曰偃蹇却器也

廣雅曰偃蹇天矯也韋昭曰矣音咎略反相如傳云脩

臭遠去糾蓼叫界蹋以艘路兮

集解徐廣曰艘音介至也索隱蓼音了界音五

到反小顏云叫界高舉貌踏音徒荅反艘音届三蒼云踏著地孫炎云艘古界字也

茂蒙踊躍騰

而狂趙

集解駉案漢書音義曰茂蒙飛揚也趙走

莅颯卉翕燦至電過兮煥

然霧除霍然雲消邪絕少陽而登太陰兮與真人乎相

求

集解駉案漢書音義曰少陽東極太陰北極邪度東極而升北極者也

互折窈窕以右

轉兮橫厲飛泉以正東

正義厲波也張云飛泉谷也在崑崙山西南

悉徵靈

圉而選之兮部乘衆神於瑤光

集解駉案漢書音義曰瑤光北斗杓頭第一星

使五帝先導兮

正義導導引也五帝五時帝太皓之屬也

反太一而從陵陽

集解駟案漢書音義曰僊人陵陽子明也正義天官書云中宮天極星其一明者太一常居也列僊傳云子明

於沛鉅縣旋溪釣得白龍放之後白龍來迎子明去止陵陽山上百餘年遂得仙也

左玄冥而右

舍霤兮

集解駟案漢書音義曰舍霤黠羸也天上造化神名也或曰水神

前陸離而後

滴湟

集解駟案漢書音義曰皆神名

廝征北僑

集解徐廣曰燕人也形解而征也索隱應劭曰

廝役也張揖曰王子喬也漢書郊祀志作正伯僑此當是別人恐非王子喬也

而役羨門兮

正義

張云羨門碣石山上仙人羨門高也

屬岐伯使尚方

集解徐廣曰岐伯黃帝臣駟案漢書音義

曰尚主也岐伯黃帝太醫屬使主方藥

祝融警而蹕御兮

正義張云祝融南方炎帝之佐

也獸身人面乘兩龍應火正也火正祝融警蹕清氣氣也

清氛氣而後行屯余車其

萬乘兮綵雲蓋而樹華旗

索隱綵音祖內反如淳曰蓋有五綵也

使勾芒

其將行兮

正義張云勾芒東方青帝之佐也鳥身人面乘兩龍顏云將行領從者也

吾欲往

乎南嬉歷唐堯於崇山兮過虞舜於九疑

正義張云崇山狄山也海

外經云狄山帝堯葬其陽九疑山零陵營道縣舜所葬處

紛湛湛其差錯兮

索隱湛音徒感

反雜還膠葛以方馳

索隱廣雅云膠葛驅馳也

騷擾衝從其相紛拏

兮

索隱衝音昌勇反從音息冗反

滂淖決軋灑以林離錯羅列聚叢以

龍茸兮衍曼流爛壇以陸離

集解徐廣曰壇音坦

徑入靄室之砰

磷鬱律兮洞出鬼谷之窟囟嵬礧

集解駉案漢書音義曰鬼谷在北辰下衆

鬼之所聚也楚辭曰贊鬼谷於北辰正義崑口骨反
碧力罪反鬼烏迴反磗音回張云崑碧鬼磗不平也

覽八紘而觀四荒夸謁渡九江而越五河正義顏云五色之河也仙

云紫碧絳青黃之河也經營炎火而浮弱水兮正義姚丞云大荒西經云崑崙之岳

其外有炎火之山投物輒然括地志云弱水有二原俱
出女國北阿傳達山南流會于國北又南歷國北東去

一里深丈餘濶六十步非乘舟不可濟流入海阿傳達
山一名崑崙山在雍州西南一萬五千三百七十里又

云弱水在甘州杭絕浮渚而涉流沙集解駉案漢書音義曰杭船也絕渡

也浮渚流奄息總極汜濫水嬉兮集解駉案漢書音義曰總極葱嶺山也在

西域使靈媧鼓瑟而舞馮夷集解徐廣曰媧一作貽駉案漢書音義曰靈媧女媧

也馮夷河伯字淮南子曰馮夷得道以潛大川正時若義姓馮名夷以庚日溺死河常以庚日好溺死人

夢夢將混濁兮召屏翳

正義應云屏翳天神使也韋云雷師也

誅風伯義

張云風伯字飛廉

而刑雨師

正義沙州有雨師祠

西望崑崙之輶

正義張云海內

經云崑崙去中國五萬里天帝之下都也其山廣袤百

里高八萬仞增城九重面九井以玉為檻旁有五門開

明獸守之括地志云在崑崙肅州酒泉縣南八十里十

六國春秋魏昭成帝建國十年涼張駿酒泉太守馬岌

上言酒泉南山即崑崙之體周穆王見西王母樂而忘

歸卽謂此山有石室王母堂珠璣鏤飾煥若神宮又刪

丹西河名云弱水禹貢崑崙在臨羌之西卽此明矣括

地志云又阿僂達山亦名建末達山亦名崑崙山恒河

出其南吐師子口經天竺入連山鳩水今名為游海出

於崑崙西北隅吐馬口經安息大夏國入西海黃河出

東北隅吐牛口東北流經濫澤潛出大積石山至華山
北東入海其三河去山入海各三萬里此謂大崑崙肅
州謂小崑崙崙也禹本紀云河出崑崙二
千五百餘里日月所相隱避為光明也

馳乎三危

集解駟案三危山名也正義括地志云三危山在沙州東南三十里

排闥闔而

入帝宮兮

正義韋昭云閭闔天門也淮南子曰西方曰西極之山閭闔之門

載玉女而

與之歸

正義張云玉女青要乘戈等也

舒閭風而搖集兮

正義張云閭風在崑崙閭

闔之中楚辭云登閭風而縹馬也

亢烏騰而一止

集解駟案漢書音義曰亢然高飛如鳥之

騰也低回陰山翔以紆曲兮

正義張云陰山在大崑崙西二千七百里

吾乃今

目睹西王母矐然白首

集解徐廣曰矐音下沃反索隱矐音鶴正義張云西王母其狀

如人豹尾虎齒蓬鬚瞳然

戴勝而穴處兮

集解郭璞曰勝玉勝也正

義顏云勝婦人首飾也漢代謂之華勝

亦幸有三足鳥為之使

正義張云三足鳥青

鳥也主為西王母取食在崑崙之北

必長生若此而不死兮雖濟萬世不

足以喜回車竭來兮絕道不周

集解駉案漢書音義曰不周山在崑崙東南

會食幽都呼吸沆瀣飡朝霞兮噍咀芝英兮噉瓊華

集解

徐廣曰噉音祈小食也駉案韋昭曰瓊華玉英

噉侵尋而高縱兮紛鴻涌而上

厲

集解徐廣曰噉音纖索隱漢書噉作襟襟仰也音禁噉音魚錦反

貫列缺之倒景兮

涉豐隆之滂沛

集解駉案漢書音義曰列缺天門也倒景日在下正義張云豐崇雲師也淮南

子云季春三月豐崇乃出以將

雨接豐崇將雲雨故云滂沛

馳游道而脩降兮

正義

車也道道車也脩長也降下也

驚遺霧而遠逝迫區中之隘陝兮舒節

出乎北垠遺屯騎於玄闕兮軼先驅於寒門

集解駟案漢書音義

曰玄闕北極之山寒門天北門

下崢嶸而無地兮上寥廓而無天視眩

眠而無見兮聽愴恍而無聞乘虛無而上假兮超無有

而獨存

集解徐廣曰假音古下反至也

相如既奏大人之頌天子大說

飄飄有凌雲之氣似游天地之間意相如既病免家居

茂陵天子曰司馬相如病甚可往從悉取其書若不然

後失之矣使所忠往

正義姓所名忠也風俗通姓氏云漢書有諫大夫所忠氏

而相

如已死家無書問其妻對曰長卿固未嘗有書也時時

著書人又取去即空居長卿未死時為一卷書曰有使

者來求書奏之無他書其遺札書言封禪事奏所忠忠

奏其書天子異之其書曰伊上古之初肇自昊穹兮生

民歷撰列辟以迄于秦

集解徐廣曰撰一作選索隱文穎曰選數也

率邇者

踵武

集解徐廣曰率循也邇近也武迹也循省近世之遺迹索隱言循覽近代之事則踵武蹈者可知也

逖聽者風聲

集解徐廣曰逖遠也聽察遠古之風聲索隱風聲風雅之聲以言聽遠古之事則著

在風雅之聲也紛綸歲時堙滅而不稱者不可勝數也索隱胡廣曰紛

亂也淪沒也歲時委頓也張揖曰亂貌續昭夏宗號謚略可道者七十有

二君集解駟案漢書音義曰昭明也夏大也德明大相繼封禪於泰山者七十有二人索隱見韓詩外傳

及封禪書也罔若淑而不昌疇逆失而能存集解徐廣曰若順也駟案韋昭

曰疇誰也言順善必昌逆失必亡軒轅之前遐哉邈乎其詳不可得聞

也五三六經載籍之傳維見可觀也索隱胡廣云五五帝也三三王也索

六經詩書禮樂易春秋也書曰元首明哉股肱良哉因斯以談君莫

盛於唐堯臣莫賢於后稷后稷創業於唐公劉發迹於

西戎文王改制爰周邳隆

集解徐廣曰邳蓋字誤皇甫謐曰王季宅程故周書曰維

王季宅程孟子稱文王生於畢程或者邳字宜為程乎或為胙北地有邳邳縣胙大也音頤駟案漢書音義曰

邳至也索隱爰於及也邳大也盛也樊光云邳可見之大也徐及皇甫之說皆非也以言文王改制及周而大

也 大行越成

集解駟案漢書音義曰行道也文王始開王業改正朔易服色大平之道於是成矣

索隱應劭云大行謂以言道德大行也

而後陵夷衰微千載無聲

集解徐廣曰周

之王四海千載之後聲教乃絕駟案韋昭曰無惡聲

豈不善始善終哉然無異端

慎所由於前謹遺教於後耳故軌迹夷易易遵也湛恩

濛涌易豐也憲度著明易則也垂統理順易繼也是以

業隆於綰祿而崇冠于二后

集解駟案漢書音義曰經祿謂成王也二后謂文武

也周公負成王致太平功德冠於文武者道成法易故也

揆厥所元終都攸卒

集解駟案

漢書音義曰都於卒終也

未有殊尤絕迹可考于今者也然猶躡梁

父登泰山建顯號施尊名大漢之德漢涌原泉

集解韋昭曰漢

德漢涌如泉原也索隱張揖曰逢遇也喻其德盛若遇泉原之流也又作峯讀胡廣曰自此已下論漢家之德

也湧漫衍旁魄四塞雲專霧散

集解徐廣曰專音布

上暢九垓

下汧八埏

集解徐廣曰音衍駟案漢書音義曰暢達垓重也汧流也埏若八埏地之際也言其德上

達於九重之天下流於地之八際也

懷生之類霑濡浸潤協氣橫流武節

飄逝邇陝游原迴濶泳沫

集解駢案漢書音義曰邇近原本也迴遠闊廣也泳浮也

思德比之於水近者游其原遠者浮其沫

首惡湮沒闇昧昭哲

集解駢案漢書音義曰始

為惡者皆湮滅闇昧喻夷狄皆化

昆蟲凱澤回首面內

集解韋昭曰面向也然後

圉騶虞之珍羣徼麋鹿之怪獸

集解駢案漢書音義曰徼遮也麋鹿得其奇怪

者謂獲白麟也

導一莖六穗於庖

集解徐廣曰導瑞禾也駢案漢書音義曰謂嘉禾之米於

庖廚以供祭祀索隱鄭德云導擇也說文嘉禾一名導字林云禾二莖六穗謂之導也

犧雙觥共

抵之獸

集解徐廣曰抵音底駢案漢書音義曰犧牲也觥角也抵本也武帝獲白麟兩角共一本因以

為牲也

獲周餘珍收龜于岐

集解徐廣曰一作放龜駢案漢書音義曰餘珍得周鼎也

岐水名也

招翠黃乘龍於沼

集解駟索漢書音義曰翠黃乘黃也能翼馬身黃帝乘而登仙

言見乘黃而招呼之禮樂志曰皆黃其何不徠下余吾渥洼水中出神馬故曰乘龍於沼索隱服虔云乘龍四

龍也翠黃孟說是也周書云乘黃似狐背上有兩角也

鬼神接靈圉賓於閒館

集解

徐廣曰言至德與神明通接故靈圉為賓旅於閒館矣郭璞曰靈圉仙人名也

奇物請詭倣

窮變欽哉符瑞臻茲猶以為薄不敢道封禪蓋周躍魚

隕杭休之以燎

索隱杭舟也胡廣云武王渡河白魚入王舟俯取以燎隕墜之於舟中也微

夫斯之為符也以登介丘不亦慝乎

集解駟索漢書音義曰介太丘山也

言周以白魚為瑞登太山封禪不亦慝乎

進讓之道其何爽與

集解徐廣曰爽差異也駟

案漢書音義曰進周也議漢也言周未可封禪為進漢可封禪而不封禪為讓也索隱爽猶差也言漢周進讓之道皆差也

於是大司馬進曰陛下仁育羣生義征不憚

集解

駟案漢書音義曰大司馬上諸夏樂貢百蠻執贄德侔公也故先進議憚音惠順也

往初功無與二休烈浹洽符瑞衆變期應紹至不特創

見集解徐廣曰不但初顯符瑞而已蓋將終以封禪之事索隱文類云不獨一物初創見也胡廣云符瑞衆

多應期相繼而至也意者泰山梁父設壇場望幸蓋號以況榮

集解

徐廣曰以況受上天之榮為名號索隱案本或作望華蓋華蓋星名在紫微大帝之上今言望聖帝之臨幸也義亦兩通而孟康服虔注本皆幸下有華字而虞摯流別集則唯云幸幸當是也於義亦通直以後人見幸下

有蓋字又幸字似華故因疑惑遂定華字使誤也文穎云蓋合也言考合前代之君揆其榮而相比況以為號也大顏云蓋欲也言欲化功立號受天之況賜榮名也於義為愜然其文云蓋詞義典質又上與幸字連文致令有華蓋之謬也

上帝垂恩儲祉將以薦成

集解徐廣曰以衆瑞物初至封禪處

薦之上天告成功也索隱案漢書作慶成義亦通也陛下謙讓而弗發也挈三神

之驪

集解徐廣曰挈猶言垂也駟案韋昭曰挈缺也三神上帝泰山梁父也索隱徐氏云挈猶垂非也應

劬挈作絕李奇韋昭作缺意亦不遠三神如淳謂地祇天神山嶽也與韋不同缺王道之儀羣

臣慝焉或謂且天為質闇珍符固不可辭

集解駟案漢書音義曰言

天道質昧以符瑞見意不可辭讓也

若然辭之是泰山靡記而梁父靡幾

也集解駢案漢書音義曰太山之上無所表亦各並時

記梁父壇場無所庶幾索隱案幾音冀

而榮咸濟世而屈

集解駢案漢書音義曰屈絕之也言古帝王但作一時之榮畢代而絕也

說者尚何稱於後

集解徐廣曰若無封禪之遺迹則榮盡於當時至於歷世之後人何所述

而云七十二君乎

索隱言古封禪之帝王是各並時而榮貴盛有濟世之勲而屈者謂言抑

屈摠不封禪使說者尚何稱述後代而云七十二君乎

夫修德以錫符奉符以行

事不為進越

索隱文穎云越踰也

故聖王弗替而修禮

地祇謁款天神

集解駢案漢書音義曰款誠也謁告之報誠也

勒功中嶽以彰

至尊舒盛德發榮號受厚福以浸黎民也皇皇哉斯事

天下之壯觀王者之丕業不可貶也願陛下全之而後

因雜薦紳先生之略術使獲耀日月之末光絕炎以展

采錯事

集解徐廣曰錯音厝駟索漢書音義曰采官也使諸儒記功著業得覩日月末光殊絕之用以

展其官職設厝其事業者也

猶兼正列其義校飭厥文作春秋一藝

集解徐廣曰校一作被被猶拂也音廢也駟索漢書音義曰春秋者正天時列人事諸儒既得展事業因兼正

天時列人事叙述大義為一經

將襲舊六為七

集解韋昭曰今漢書增一仍舊六為七也 摠

之無窮

集解徐廣曰摠一作臚臚叙也索隱廣雅云摠張舒也

俾萬世得激清流

揚微波蜚英聲騰茂實

索隱胡廣曰飛揚英偉之聲騰馳茂盛之實也

前聖之

所以永保鴻名而常為稱首者用此

索隱案謂用此封禪也

宜命

掌故悉奏其義而覽焉

集解駉案漢書音義曰掌故太史官屬主故事也

於是

天子沛然改容曰愉乎朕其試哉乃遷思回慮總公卿

之議詢封禪之事詩大澤之博廣符瑞之富

集解駉案漢書音義

曰詩歌詠功德也下四章之頌也大澤之博謂自我天覆雲之油油廣符瑞之富謂斑斑之獸以下三章言符

瑞廣大富饒也乃作頌曰自我天覆雲之油油

集解駉案漢書音義曰油油雲

行貌孟子曰油然作雲沛然下雨

甘露時雨厥壤可游滋液滲漉何生

不育

集解徐廣曰滲音色陰反索隱案說文云滲漉水下流之貌也

嘉穀六穗我穡曷

蓄

集解徐廣曰何所蓄邪蓄嘉穀

非唯雨之又潤澤之非唯濡之汜專

獲之

集解徐廣曰古布字作專索隱胡廣曰汜普也言雨澤非偏於我普遍布散無所不獲也

萬物

熙熙懷而慕思名山顯位望君之來

集解韋昭曰名山大山也顯位封禪

也

君乎君乎侯不邁哉

索隱小顏云侯何也邁行也言君何不行封禪

般般之

獸樂我君囿

索隱案般般文彩之貌也音班胡廣曰謂騶虞也

白質黑章其儀

可嘉旼旼睦睦君子之能

集解徐廣曰旼音旻和貌也能一作熊駝索漢書音義曰

旻和睦敬言和且敬有似君子

蓋聞其聲今觀其來厥塗靡蹤天瑞之

徵

集解徐廣曰其所來路非有迹蓋自天降瑞不行而至也

茲亦於舜虞氏以興

索隱

文穎曰舜百獸率舞則騶虞亦在其中也濯濯之麟游彼靈時集解駢案漢書音義曰武

帝祠五時獲白麟故言游靈時索隱詩人云鹿麋濯濯注云濯濯嬉遊也孟冬十月君徂郊

祀馳我君輿帝以享祉三代之前蓋未嘗有宛宛黃龍

興德而升索隱胡廣曰宛宛屈伸也采色炫燿煥炳輝煌集解徐廣曰煥音晃

煇音正陽顯見覺寤黎烝索隱文穎云正陽陽明也謂南面受朝也於傳載

之云受命所乘索隱如淳曰書傳所載揆其此類以為漢土德黃龍為之應見之於成紀故云

受命所厥之有章不必諄諄集解徐廣曰諄止純反告

天之所命表以符瑞章明其德不必諄諄然有語言也依類託寓諭以封巒集解駢案

漢書音義曰寓寄也密山也披藝觀之天人之際已交言依事類託寄以喻封禪也

上下相發允答聖王之德兢兢翼翼也故曰興必慮衰

安必思危是以湯武至尊嚴不失肅祗舜在假典顧省

厥遺此之謂也

集解徐廣曰假大也

司馬相如既卒

集解徐廣曰元狩五年也

五歲天子始祭后土八年而遂先禮中嶽

正義嵩高也
在洛州陽城

縣西北二十里

封于太山

正義在兗州博城縣西北三十里

至梁父禪肅然

集解徐廣曰小山在泰山下趾東北相如他所著若遺平陵侯書

集解徐廣曰蘓

建與五公子相難草木書篇不采采其尤著公卿者云

太史公曰春秋推見至隱

集解韋昭曰推見事至於隱諱謂若晉文召天子經言狩

河陽之屬索隱李奇曰隱猶微也言其義彰而文微若隱公見弑而經不書諱之也

易本隱之以

顯集解韋昭曰易本隱微妙出爲人事乃顯著也索隱顯虞喜志林曰春秋以人事通天道是推見至隱也易

以天道接人事索隱以之明顯也

大雅言王公大人而德逮黎庶

集解韋昭

曰先言王公大人之德乃後及衆庶也索隱張揖曰謂文王公劉在位大人之德下及衆民者也

小雅

譏小己之得失其流及上

集解韋昭曰小雅云人志狹小先道己之憂苦其流乃及

上政之得失者索隱張揖云己詩人自謂也已小有得失不得其所作詩流言以諷其上也故詩緯云小雅譏

己得失及所以言雖外殊其合德一也相如雖多虛辭之於上也

濫說然其要歸引之節儉此與詩之風諫何異揚雄以
為靡麗之賦勸百風一猶馳騁鄭衛之聲曲終而奏雅
不已虧乎余采其語可論者著于篇

索隱述贊曰相如縱誕竊貨卓氏其學無方其才足
倚子虛過吒上林非侈駟馬還叩百金獻伎惜哉封
禪遺文
卓爾

史記卷一百十七

史記卷一百十七考證

司馬相如列傳名曰雲夢索隱裴駰云孫叔敖激沮水作此澤○臣照按周禮職方荊州其澤藪曰雲夢在孫叔敖前有此澤非激沮水明矣

芷若射干○考妥曰此賦三用玄鶴三用射干漢書文選芷若下無射干字師古李善並謂俗本誤增也其上云雍雛孔鸞騰遠射干乃狐類其云藁本射干乃香草不嫌其複也又如赤猿蝮蛛犀象野牛窮奇獫

挺之句漢書文選俱無之不知二書誤脫抑亦後人所增乎

梗柎豫章正義按溫活人云○臣世駿按活人書名即

本草也溫字疑衍

右以湯谷為界正義言右者北向天子也○陳子龍曰湯谷日出之區應在齊東而云右恐左字之誤正義所云北向天子亦無據劉奉世漢書刊誤亦云右當為左

秋田乎青丘傍徨乎海外正義服虔云青丘國在海東
三百里郭云青邱山名上有田亦有國出九尾狐在
海外○今本山海經注無上有田三字亦有國者海
外東經又有青口國也

歲橙若蓀○焦氏筆乘曰歲橙李善本作歲持歲音針
乃馬藍又作寒將即寒蔣善本蓋誤以將作持也張
揖曰歲持缺故詳具之

故遣中郎將往賓之索隱賈逵云賓伏也○徐孚遠曰

賈說非也謂以賓見諸侯之禮接之

其為禍也不亦難矣○顧炎武曰衍亦字

逖聽者風聲索隱風聲風雅之聲以言聽遠古之事則
著在風雅之聲也○凌稚隆曰言風聲見其遠也索
隱言風雅之聲謬

簠一莖六穗於庖集解徐廣曰簠瑞禾也駟案漢書音
義曰謂嘉禾之米於庖厨以供祭祀索隱鄭德云簠
擇也說文嘉禾一名簠字林云禾一莖六穗謂之簠

也○楊慎曰徐楚金云導字諸解惟鄭德得之徐廣瑞永臆說字林亦據此文而傳會之耳

揚雄以為靡麗之賦勸百風一猶馳騁鄭衛之聲曲終而奏雅不已虧乎○王若虛辨惑曰前漢書全引此語予嘗疑之按遷傳雖不著其死之歲月然云遷既死後其書稍出宣帝時遷外孫楊惲祖述其書遂宣布焉則其死不過在昭宣之間耳而雄以成帝元延之初始自蜀遊京師年七十一卒於王莽天鳳五年

逆而推之宣帝之二十年雄乃始生遷著書時安得
雄之言乎是必孟堅所續而後人誤附於史記耳因
學紀聞曰江氏案曰雄後於遷甚久遷得引雄辭何
哉蓋後人以漢書贊附益之

史記卷一百一十七考證

謹案卷一百十六第一頁後七行漢書作桐師刊

本師訛鄉據漢書改

第二頁前五行荊州本西蜀微外白猫羌雋刊本

白訛曰今改

第二頁前八行其山有六夷七羌九氐刊本氐訛

蠻據後漢書改

卷一百十七第六頁前四行白坩白石英也刊本

坩訛符今改

第七頁前二行搏音匹沃反刊本匹訛四今改

第七頁後二行析漢書作斯今案此字史記作斯而漢書作析與索隱說相反疑有誤

第七頁後三行皆如中國燕麥是也刊本如中國訛作中國苗據毛本索隱改

第七頁後七行江東人呼為烏菹刊本菹訛燕毛本索隱亦誤據爾雅注改

第八頁前四行小頭細頸有白嬰刊作訛作細頭

頸有白嬰又鼈似蜥蜴刊本蜥訛蜥並據山海經注改

第八頁後一行葉冬夏常似春刊本春訛冬據廣雅改

第十二頁前八行正義其白質如玉刊本玉訛五今改

第十五頁前七行注亦紫三字無解疑有誤

第十五頁後三行滴涌出聲也刊本涌訛通今改

第十八頁前八行鷓鴣也刊本鷓鴣今改

第二十頁後五行沈牛塵廩刊本塵訛塵據正義
及漢書改

第二十三頁後五行葉圓而岐刊本葉訛素據索
隱改

第二十七頁前二行格蝦蛤鉗猛氏刊本蝦訛瑕
據索隱及漢書文選改

第二十八頁後五行在上林苑西頭刊本上訛山

今改

第二十九頁後三行淮南鼓員四人刊本脫鼓字

據漢書樂志增

第四十六頁前七行祝融警而蹕御今刊本警訛

驚據監本王本改

第四十七頁後八行出于崑崙西北隅刊本訛作

出書于西河北隅繹上下文義改又黃河出東

北隅刊本河訛海今改

金史四庫全書
第四十八頁後二行勝婦人首飾也刊本勝下衍

代字據漢書注刪

第五十二頁前二行訾黃其何不徠下刊本其何
訛湛河徠下來據漢書禮樂志改

第五十七頁前二行猶馳騁鄭衛之聲刊本騁訛
聘今改

第五十七頁前五行遺文卓爾刊本卓訛悼今改

總校官庶吉士
校對官檢討
監生
費雲開

總校官庶吉士
臣侍朝

校對官檢討
臣郭寅

膳錄監生
臣費雲開

欽定四庫全書薈要

史部

史記卷一百

十八至
二十一

詳校官主事銜_臣徐以坤



史記卷一百十八

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

淮南衡山列傳第五十八

淮南厲王長者高祖少子也其母故趙王張敖美人高



祖八年從東垣過趙

正義趙張耳所都今邢州也

趙王獻之美人厲

王母得幸焉有身趙王教弗敢內宮為築外宮而舍之

及貫高等謀反栢人事發覺并逮治王盡收捕王母兄

弟美人繫之河內厲王母亦繫告吏曰得幸上有身吏

以聞上上方怒趙王未理厲王母厲王母弟趙兼因辟

陽侯言吕后吕后妬弗肯白辟陽侯不彊爭及厲王母

已生厲王恚即自殺吏奉厲王詣上上悔

正義悔不令理厲王母

吕后母之而葬厲王母真定真定厲王母之家在焉父

世縣也

索隱案漢書作母家縣謂父祖代居真定也

高祖十一年十月淮南

王黥布反立子長為淮南王王黥布故地凡四郡

集解徐廣

曰九江廬江衡山豫章也

上自將兵擊滅布厲王遂即位厲王蚤失

母常附吕后孝惠吕后時以故得幸無患害而常心怨

辟陽侯弗敢發及孝文帝初即位淮南王自以為最親

驕蹇數不奉法上以親故常寬赦之三年入朝甚橫從

上入苑囿獵與上同車常謂上大兄厲王有材力力能

扛鼎乃往請辟陽侯辟陽侯出見之即自袖鐵椎推辟

陽侯

索隱漢書作褒金推推之案信陵君使未亥袖四十斤鐵鎚

令從者魏敬劉之

正義劉古鼎反劉謂刺劉

厲王乃馳走闕下肉袒謝曰臣母不當坐

趙事其時辟陽侯力能得之吕后弗爭罪一也趙王如

意子母無罪吕后殺之辟陽侯弗爭罪二也吕后王諸

吕欲以危劉氏辟陽侯弗爭罪三也臣謹為天下誅賊

臣辟陽侯報母之仇謹伏闕下請罪孝文傷其志為親

故弗治赦厲王當是時薄太后及太子諸大臣皆憚厲

王厲王以此歸國益驕恣不用漢法出入稱警蹕稱制

自為法令擬於天子六年令男子但等七十人與棘蒲

侯柴武太子竒謀以輦車四十乘

集解徐廣曰大車駕馬曰輦音已足反

反谷口

集解駰案漢書音義曰谷口在長安北故縣也處多險阻正義括地志云谷口故城在雍州醴

泉縣東北四十里漢谷口縣也

令人使閩越匈奴事覺治之使使召淮

南王淮南王至長安丞相臣張蒼典客臣馮敬行御史

大夫事宗正臣逸廷尉臣賀備盜賊中尉臣福昧死言

淮南王長廢先帝法不聽天子詔居處無度為黃屋蓋

乘輿出入擬於天子擅為法令不用漢法及所置吏以

其郎中春為丞相聚收漢諸侯人及有罪亡者匿與居

為治家室賜其財物爵祿田宅爵或至關內侯奉以二

千石所不當得欲以有為

集解如淳曰賜亡畔來者如賜其國二千石也瓚曰奉以

二千石之秩祿

大夫但

集解張晏曰大夫姓也上云男子但明其姓大夫也瓚曰官為大夫名但者也

索隱張晏云大夫姓非也案上文云男子但此云大夫但及士伍開章則知大夫是官也

士伍開章

等七十人

集解如淳曰律有罪失官爵稱士伍者也開章名

與棘蒲侯太子奇

謀反

集解徐廣曰棘蒲侯柴武以文帝後元年卒謚剛嗣子謀反不得置後國除

欲以危宗

廟社稷使開章陰告長與謀使閩越及匈奴發其兵開

章之淮南見長長數與坐語飲食為家室娶婦以二千石俸奉之開章使人告但已言之王春使使報但等更覺知使長安尉竒等往捕開章長匿不予與故中尉

忌謀殺以閉口

索隱蔣姓也音姦嚴助傳則作間忌字音亦同正義謀殺開章以閉絕謀反之

也為棺槨衣衾葬之肥陵邑

正義括地志云肥陵故縣在壽州安豐縣東六十里

在故六城東北百餘里

謾吏曰不知安在

索隱謾音慢慢誑也實葬肥陵誑云不知處按

肥陵地名在肥水之上

又佯聚土樹表其上曰開章死埋此下及

長身自賊殺無罪者一人令吏論殺無罪者六人為命

棄市罪詐捕命者以除罪

集解晉灼曰亡命者當棄市而王歲之詐捕不命者而言

命以脫命者之罪

擅罪人罪人無告劾繫治城旦舂以上十四

人赦免罪人死罪十八人城旦舂以下五十八人賜人

爵關內侯以下九十四人前日長病陛下憂苦之使使

者賜書棗脯長不欲受賜不肯見拜使者南海民處廬

江界中者反淮南吏卒繫之陛下以淮南民貧苦遣使

者賜長帛五千匹以賜吏卒勞苦者長不欲受賜謾言

曰無勞苦者南海民王織上書獻璧皇帝忌擅燔其書

不以聞

集解文穎曰忌簡忌

吏請召治忌長不遣謾言曰忌病春

又請長願入見長怒曰女欲離我自附漢長當棄市臣
請論如法制曰朕不忍致法於王其與列侯二千石議
臣蒼臣敞臣逸臣福臣賀昧死言臣謹與列侯吏二千
石臣嬰等四十三人議皆曰長不奉法度不聽天子詔
乃陰聚徒黨及謀反者厚養亡命欲以有為臣等議論
如法制曰朕不忍致法於王其赦長死罪廢勿王臣蒼
等昧死言長有大死罪陛下不忍致法幸赦廢勿王臣

請處蜀郡嚴道邛邰

集解徐廣曰嚴道有邛樊九折阪又有邛置駟案張晏曰嚴道蜀郡

縣索隱縣有蠻夷曰道嚴道有邛來山有邛置故曰道嚴邛邰

遣其子子母從居

索隱案樂

彥云妾媵之有子者從去也

縣為築蓋家室皆廩食給薪菜鹽豉炊

食器席蓐臣等昧死請請布告天下制曰計食長給肉

日五斤酒二斗令故美人才人得幸者十人從居他可

索隱謂它事可其制也

盡誅所與謀者於是乃遣淮南王載以輜

車令縣以次傳是時袁盎諫上曰上素驕淮南王弗為

置嚴傅相以故至此且淮南王為人剛今暴摧折之臣

恐卒逢霧露病死陛下為有殺弟之名奈何上曰吾特

苦之耳令復之縣傳淮南王者皆不敢發車封

集解駢案漢書

音義曰檻車有檻封也

淮南王乃謂侍者曰誰謂乃公勇者

索隱乃汝

也汝公淮南王自謂也

吾安能勇吾以驕故不聞吾過至此人生

一世間安能邑邑如此乃不食死至雍

正義今岐州雍縣也

雍令

發封以死聞上哭甚悲謂袁盎曰吾不聽公言卒亡淮

南王盎曰不可奈何願陛下自寬上曰為之奈何盎曰

獨斬丞相御史以謝天下乃可

索隱案劉氏云袁盎此言亦太過也

上即

令丞相御史遂考諸縣傳送淮南王不發封餽侍者皆棄市乃以列侯葬淮南王於雍守冢三十戶孝文八年

上憐淮南王淮南王有子四人皆七八歲乃封子安為

阜陵侯子勃為安陽侯子賜為周陽侯子良為東成侯

孝文十二年民有作歌歌淮南厲王曰一尺布尚可縫

一斗粟尚可舂兄弟二人不能相容

集解駟案漢書音義曰尺布斗粟猶

尚不棄况於兄弟而更相逐乎瓚曰一尺布尚可縫而共衣一斗粟尚可舂而共食也况以天下之廣而不能

容相上聞之乃歎曰堯舜放逐骨肉

正義帝系云堯黃帝之後舜顓頊之後四

凶之內有承黃帝顓頊者而堯舜竄之故放逐骨肉耳
四凶者共工三苗伯鯀及驩兜皆堯舜之同姓故云骨
肉也周公殺管蔡天下稱聖何者不以私害公天下豈以

我為貪淮南王地邪乃徙城陽王王淮南故地

集解徐廣曰景

王章之子而追尊謚淮南王為厲王

正義謚法云暴慢無親曰厲

置園復

如諸侯儀孝文十六年徙淮南王喜復故城陽

索隱故城陽景

王章子也

上憐淮南厲王廢法不軌自使失國蚤死乃立其

三子阜陵侯安為淮南王安陽侯勃為衡山王周陽侯

賜為廬江王皆復得厲王時地參分之東城侯良前薨

無後也孝景三年吳楚七國反吳使者至淮南淮南王

欲發兵應之其相曰大王必欲發兵應吳臣願為將王

乃屬相兵淮南相已將兵因城守不聽王而為漢漢亦

使曲城侯

集解徐廣曰曲城侯姓蟲名捷其父名逢高祖功臣

將兵救淮南淮南

以故得完吳使者至廬江廬江王弗應而往來使越吳

使者至衡山衡山王堅守無二心孝景四年吳楚已破

衡山王朝上以為貞信乃勞苦之曰南方卑溼徙衡山

王王濟北所以褒之及薨遂賜謚為貞王廬江王邊越

數使使相交故徙為衡山王王江北淮南王如故

淮南王安為人好讀書鼓琴不喜弋獵狗馬馳騁亦欲以行陰德拊循百姓流譽天下時時怨望厲王死時欲畔逆未有因也及建元二年淮南王入朝素善武安侯

武安侯時為太尉乃逆王霸上與王語曰方今上無太

子大王親高皇帝孫

正義漢書云武帝以安屬為諸侯

行仁義天下莫

不聞即宮車一日晏駕非大王當誰立者淮南王大喜

厚遺武安侯金財物陰結賓客

索隱淮南要略云養士數千高材者八人蘇非

李尚左吳田由雷被伍拊循百姓為畔逆事建元六年
被毛被晉昌號曰八公

彗星見淮南王心怪之或說王曰先吳軍起時彗星出
長數尺然尚流血千里今彗星長竟天下兵當大起
王心以為上無太子天下有變諸侯並爭愈益治器械
攻戰具積金錢賂遺郡國諸侯游士奇材諸辨士為方
畧者妄作妖言諂諛王王喜多賜金錢而謀反滋甚淮
南王有女陵慧有口辯王愛陵常多予金錢為中詔長

安集解徐廣曰詔伺候采察之名也音空政反安平侯
鄂千秋玄孫伯與淮南王女陵通而中絕又遺淮南

王書稱臣盡力故棄市索隱鄭展曰誦捕也孟康曰誦音偵西方人以反間為偵劉氏及包愷並音丑政反服虔云偵約結上左右元朔三年上賜淮南王几杖不朝候之也

淮南王王后荼王愛幸之王后生太子遷遷取王皇太

后外孫修成君女為妃

集解應劭曰王太后先適金氏女也

王謀為反具

畏太子妃知而內泄事乃與太子謀令詐弗愛三月不

同席王乃詳為怒太子閉太子使與妃同內三月太子

終不近妃妃求去王乃上書謝歸去之王后荼太子遷

及女陵得愛幸王擅國權侵奪民田宅妄致繫人

集解徐廣

曰一云
毆擊

元朔五年太子學用劔自以為人莫及聞郎中

雷被巧

索隱案巧者謂善用劔也

乃召與戲被一再辭讓誤中太子

索隱樂彥云初一讓王至二讓後遂不讓故云一再讓而誤中太子也

太子怒被恐此時

有欲從軍者輒詣京師被即願奮擊匈奴太子遷數惡

被於王王使郎中令斥免欲以禁後

正義言屏斥免郎中令官而今後人

不敢效也

被遂亡至長安上書自明詔下其事廷尉河南

正義

雷被告章下廷尉及河南共治之

河南治逮淮南太子

正義逮謂追赴河南也

王

王后計欲無遣太子遂發兵反計猶豫十餘日未定會

有詔即訊太子

索隱案樂彥云即就淮南案之不逮詣河南也

當是時淮南相

怒壽春丞留太子逮不遣

集解如淳曰丞主刑獄囚徒丞順王意不遣太子應逮書

劾不敬王以請相相弗聽王使人上書告相事下廷尉

治蹤跡連王王使人候伺漢公卿公卿請逮捕治王王

恐事發太子遷謀曰漢使即逮王王令人衣衛士衣持

戟居庭中王旁有非是則刺殺之臣亦使人刺殺淮南

中尉乃舉兵未晚是時上不許公卿請而遣漢中尉宏

即訊驗王

索隱案百官表云宏姓殷也

王聞漢使來即如太子謀計

漢中尉至王視其顏色和訊王以斥靄被事耳王自度

無何

集解如淳曰無何罪

不發中尉還以聞公卿治者曰淮南王

安擁關奮擊匈奴者靄被等廢格明詔當棄市

索隱崔浩云詔

書募擊匈奴而被墜過應募者漢律所謂廢格案如淳注梁孝王傳云謂被閤不行也音各

詔弗許

公卿請廢勿王詔弗許公卿請削五縣詔削二縣使中

尉宏赦淮南王罪罰以削地中尉入淮南界宣言赦王

王初聞漢公卿請誅之未知得削地聞漢使來恐其捕

之乃與太子謀刺之如前計及中尉至即賀王王以故

不發其後自傷曰吾行仁義見削甚恥之然淮南王削

地之後其為反謀益甚諸使道從長安來為妄妖言索隱

如淳曰道猶言路由長安來姚丞云道或作從言上無男漢不治即喜即言漢

廷治有男王怒以為妄言非也王日夜與伍被集解駢

曰伍被楚人或言其先伍子胥後左吳等案輿地圖集解蘇林云輿猶盡載之意索隱志

林云輿地圖漢家所畫非出述也部署兵所從入王曰上無太子宫車

即晏駕廷臣必徵膠東王不即常山王集解徐廣曰皆景帝子也諸

侯並爭吾可以無備乎且吾高祖孫親行仁義陛下遇

我厚吾能忍之萬世之後吾寧能北面臣事豎子乎王
坐東宮召伍被與謀曰將軍上被悵然曰上寬赦大王
王復安得此亡國之語乎臣聞子胥諫吳王吳王不用
乃曰臣今見麋鹿游姑蘇之臺也今臣亦見宮中生荆
棘露沾衣也王怒繫伍被父母囚之三月復召曰將軍
許寡人乎被曰不直來為大王畫耳臣聞聰者聽於無
聲明者見於未形故聖人萬舉萬全昔文王一動而功
顯于千世列為三代此所謂因天心以動作者也故海

內不期而隨此千歲之可見者夫百年之秦近世之吳
楚亦足以喻國家之存亡矣臣不敢避子胥之誅願大
王毋為吳王之聽昔秦絕先王之道殺術士燔詩書棄
禮義尚詐力任刑罰轉負海之粟致之西河當是之時
男子疾耕不足於糟糠女子紡績不足於蓋形遣蒙恬
築長城東西數千里暴兵露師常數十萬死者不可勝
數僵尸千里流血頃畝百姓力竭欲為亂者十家而五
又使徐福入海求神異物還為偽辭曰臣見海中大神

言曰汝西皇之使邪臣荅曰然汝何求曰願請延年益壽藥神曰汝秦王之禮薄得觀而不得取即從臣東南至蓬萊山見芝成宮闕有使者銅色而龍形光上照天於是臣再拜問曰宜何資以獻海神曰以令名男子若

振女

集解徐廣曰西京賦曰振子萬童駟案薛綜曰振子童男女

與百工之事即得

之矣秦皇帝大說遣振男女三千人資之五穀種種百

工而行徐福得平原廣澤止王不來

正義括地志云曹州在東海中秦始皇

遣徐福將童男女遂止此州其後復有數洲萬家其上有至會稽市易者

闕文於是百姓悲

痛相思欲為亂者十家而六又使尉佗踰五嶺攻百越尉佗知中國勞極止王不來使人上書求女無夫家者三萬人以為士卒衣補秦皇帝可其萬五千人於是百姓離心瓦解欲為亂者十家而七客謂高皇帝曰時可矣高皇帝曰待之聖人當起東南間不一年陳勝吳廣發矣高皇始於豐沛一倡天下不期而響應者不可勝數也此所謂蹈瑕候間因秦之亡而動者也百姓願之若旱之望雨故起於行陳之中而立為天子功高三王

德傳無窮今大王見高皇帝得天下之易也獨不觀近

世之吳楚乎夫吳王賜號為劉氏祭酒

集解應劭曰禮飲酒必祭示有

先也故稱祭酒尊也

復不朝王四郡之衆地方數千里內鑄消銅

以為錢東煮海水以為鹽上取江陵木以為船一船之

載當中國數十兩車國富民衆行珠玉金帛賂諸侯宗

室大臣獨竇氏不與計定謀成舉兵而西破於大梁敗

於狐父

集解徐廣曰在梁碭之間

奔走而東至於丹徒越人禽之身

死絕祀為天下笑夫以吳越之衆不能成功者何誠逆

天道而不知時也方今大王之兵衆不能十分吳楚之
一天下安寧有萬倍於吳楚之時願大王從臣之計大
王不從臣之計今見大王事必不成而語先泄也臣聞
微子過故國而悲於是作麥秀之歌是痛紂之不用王
子比干也故孟子曰紂貴為天子死曾不若匹夫是紂
先自絕於天下久矣非死之日而天下去之今臣亦竊
悲大王棄千乘之君必且賜絕命之書為羣臣先死於
東宮也

集解如淳曰
王時所居也

於是王氣怨結而不揚涕滿匡而

橫流即起歷階而去王有孽子不害最長王弗愛王王

后太子皆不以為子兄數

集解如淳曰不以為子兄秩數

不害有子建

材高有氣常怨望太子不省其父

集解服虔曰不省錄著兄弟數中

又

怨時諸侯皆得分子弟為侯而淮南獨二子一為太子

建父獨不得為侯建陰結交欲告敗太子以其父代之

太子知之數捕繫而榜笞建建具知太子之謀欲殺漢

中尉即使所善壽春莊正

索隱漢書作嚴正

以元朔六年上書

於天子曰毒藥苦於口利於病忠言逆於耳利於行今

淮南王孫建材能高淮南王王后荼荼子太子遷常疾害建建父不害無罪擅數捕繫欲殺之今建在可徵問具知淮南陰事書聞上以其事下廷尉廷尉下河南治是時故辟陽侯孫審卿善丞相公孫弘怨淮南厲王殺其大父乃深購淮南事於弘弘乃疑淮南有畔逆計謀深窮治其獄河南治建辭引淮南太子及黨與淮南王患之欲發問伍被曰漢廷治亂伍被曰天下治王意不說謂伍被曰公何以言天下治也被曰被竊觀朝廷之

政君臣之義父子之親夫婦之別長幼之序皆得其理

上之舉錯遵古之道風俗紀綱未有所缺也重裝富貴

周流天下道無不通故交易之道行南越賓服羌獫入

獻東甌入降廣長榆

集解如淳曰廣謂拓大之也長榆塞名王恢所謂樹榆為塞

開

朔方匈奴折翅傷翼失援不振雖未及古太平之時然

猶為治也王怒被謝死罪王又謂被曰山東即有兵漢

必使大將軍將而制山東公以為大將軍何如人也被

曰被所善者黃義從大將軍擊匈奴還告被曰大將軍

遇士大夫有禮於士卒有恩衆皆樂為之用騎上下山
若蜚材幹絕人被以為材能如此數將習兵未易當也
及謁者曹梁使長安來言大將軍號令明當敵勇敢常
為士卒先休舍穿井未通須士卒盡得水乃敢飲軍罷
卒盡已渡河乃渡皇太后所賜金帛盡以賜軍吏雖古
名將弗過也王默然淮南王見建已徵治恐國陰事且
覺欲發被又以為難乃復問被曰公以為吳興兵是邪
非也被曰以為非也吳王至富貴也舉事不當身死丹

徒頭足異處子孫無遺類

集解徐廣曰一作噍音寂笑反

臣聞吳王悔

之甚願王孰慮之無為吳王之所悔王曰男子之所死

者一言耳

集解徐廣曰一本無此言字駟案張晏曰不成則死二計耳瓚曰或有一言之交以死報

之且吳何知反

集解瓚曰言吳王不知舉兵反索隱案知猶解也

漢將一日過

成臯者四十餘人

集解如淳曰言吳不塞成臯口而令漢將得出之

今我令樓

緩

集解駟案漢書直云緩無樓字樓緩乃六國時人疑此後人所益也李奇曰緩似人姓名韋昭曰淮南臣

名先要成臯之口

正義成臯城在河南澠水縣東南二里

周被下潁川兵

塞轅轅伊闕之道

正義轅轅故關在河南緱氏縣南四十里伊闕故關在河南縣南十九里

陳定發南陽兵守武關

正義故武關在商州商洛縣東九十里春秋時關文

河南

太守獨有雒陽耳何足憂然此北尚有臨晉關河東上

黨與河內趙國人言曰絕成臯之口天下不通據三川

之險

正義即成臯關也

招山東之兵舉事如此公以為何如被

曰臣見其禍未見其福也王曰左吳趙賢朱驕如皆以

為有福什事九成公獨以為有禍無福何也被曰大王

之羣臣近幸素能使眾者皆前繫詔獄餘無可用者王

曰陳勝吳廣無立錐之地千人之聚起於大澤奮臂大

呼而天下響應西至於戲而兵百二十萬今吾國雖小

然而勝兵者可得十餘萬非直適戍之衆鐵鑿棘矜也

集解徐廣曰大鑿謂之剗音五哀反或是鐵乎索隱劉氏鐵音吾裏反鑿音自各反又鐵鄒音機鑿音厲公

何以言有禍無福被曰往者秦為無道殘賊天下興萬

乘之駕作阿房之宮收太半之賦發閭左之戍

正義閭左邊不

役之民秦則役之也

父不寧子兄不便弟政苛刑峻天下熬然若

焦索隱即消反

民皆引領而望傾耳而聽悲號仰天叩心而

怨上故陳勝大呼天下響應當今陛下臨制天下一齊

海內汎愛蒸庶希德施惠口雖未言聲疾雷霆令雖未
出化馳如神心有所懷威動萬里下之應上猶影響也

而大將軍材能不特章邯楊熊也大王以陳勝吳廣諭
之被以為過矣王曰苟如公言不可傲幸邪被曰被有

愚計王曰奈何被曰當今諸侯無異心百姓無怨氣朔
方之郡田地廣水草美民徙者不足以實其地臣之愚

計可偽為丞相御史請書徙郡國豪傑任俠及有耐罪

以上

集解應劭曰輕罪不至於髡完其耐鬻故曰耐古耐字與髡髮膚之意蘇林以為法度之字皆從寸

後改如是耐音若能如淳曰律耐為司寇耐為鬼薪白
粲耐猶任也蘇林曰一歲為罰作二歲刑已上為耐耐
能任赦令除其罪家產五十萬以上者皆徙其家屬朔
其罪

方之郡益發甲卒急其會日又偽為左右都司空上林

中都官詔獄逮書以逮諸侯太子幸臣

集解晉灼曰百官表宗正有左

右都司空上林有水司空皆主囚徒官也

如此則民怨諸侯懼即使辯武

集解

徐廣曰淮南人名士曰武

隨而說之儻可徵幸什得一乎王曰此可

也雖然吾以為不至若此於是王乃令官奴入宮作皇
帝璽丞相御史大將軍軍吏中二千石都官令丞印及

旁近郡太守都尉印漢使節法冠

集解蔡邕曰法冠楚王冠也秦滅楚以其

君冠賜御史索隱崔浩云一名獬豸冠也

欲如伍被計使人偽得罪而西事

大將軍丞相一日發兵

集解如淳曰發淮南兵也索隱崔浩曰一日猶一朝卒然無定

時也使人即刺殺大將軍青而說丞相下之如發蒙耳

集解

如淳曰以物蒙覆其頭而為發去其

人欲之耳韋昭曰如蒙巾發之甚易王欲發國中兵恐

其相二千石不聽王乃與伍被謀先殺相二千石偽失

火宮中相二千石救火至即殺之計未決又欲令人衣

求盜衣

集解駢案漢書音義曰卒衣也

持羽檄從東方來呼曰南越兵

入界欲因以發兵乃使人至廬江會稽為求盜未發王

問伍被曰吾舉兵西鄉諸侯必有應我者即無應奈何

被曰南收衡山以擊廬江有尋陽之船守下雒之城

集解

徐廣曰在江夏駟祭蘇林曰下雒縣名索隱雒音全爾反縣名在江南結九江之浦絕豫

章之口

正義即彭蠡湖口北流出大江者

彊弩臨江而守以禁南郡之

下東收江都會稽

正義江都揚州也會稽蘇州也

南通勁越屈彊江淮

間猶可得延歲月之壽王曰善無以易此急則走越耳

於是廷尉以王孫建辭連淮南王太子遷聞上遣廷尉

監因拜淮南中尉逮捕太子至淮南淮南王聞與太子

謀召相二千石欲殺而發兵召相相至內史以出為解

中尉曰臣受詔使不得見王王念獨殺相而內史中尉

不來無益也即罷相王猶豫計未決太子念所坐者謀

刺漢中尉所與謀者已死以為口絕乃謂王曰羣臣可

用者皆前繫今無足與舉事者王以非時發恐無功臣

願會逮王亦偷欲休

集解徐廣曰偷苟且也

即許太子太子即自

頸不殊

集解晉灼曰不殊不死

伍被自詣吏因告與淮南王謀反

反蹤跡具如此吏因捕太子王后圍王宮盡求捕王所
與謀反賓客在國中者索得反具以聞上下公卿治所
連引與淮南王謀反列侯二千石豪傑數千人皆以罪
輕重受誅衡山王賜淮南王弟也當坐收有司請逮捕
衡山王天子曰諸侯各以其國為本不當相坐與諸侯
王列侯會肄丞相諸侯議

集解徐廣曰詣都座就丞相
共議也索隱案肆習也音異

趙王彭祖列侯臣讓等四十三人議皆曰淮南王安甚
大逆無道謀反明白當伏誅膠西王臣端議曰淮南王

安廢法行邪懷詐僞心以亂天下熒惑百姓倍畔宗廟
妄作妖言春秋曰臣無將將而誅安罪重於將謀反形
已定臣端所見其書節印圖及他逆無道事驗明白甚
大逆無道當伏其法而論國吏二百石以上及比者

集解

徐廣曰比吏而非真

宗室近幸臣不在法中者不能相教當皆免

官削爵為士伍毋得宦為吏其非吏他贖死金二斤八

兩集解蘇林曰以非吏故曰他

以章臣安之罪使天下明知臣子之

道毋敢復有邪僻倍畔之意丞相弘廷尉湯等以聞天

子使宗正以符節治王未至淮南王安自剄殺

集解徐廣曰即

位凡四十二年元狩元年十月死

王后荼太子遷諸所與謀反者皆族

天子以伍被雅辭多引漢之美欲勿誅廷尉湯曰被首

為王晝反謀被罪無赦遂誅被國除為九江郡

集解徐廣曰又

為六安國以陳縣為都

衡山王賜王后乘舒

正義衡山王后名也

生子三人長男爽為太

子次男孝次女無采又姬徐來生子男女四人美人厥

姬生子二人衡山王淮南王兄弟相責望禮節間不相

能衡山王聞淮南王作為畔逆反具亦心結賓客以應之恐為所并元光六年衡山王入朝其謁者衛慶有方術欲上書事天子王怒故劾慶死罪彊榜服之衡山內史以為非是卻其獄王使人上書告內史內史治言王不直王又數侵奪人田壞人家以為田有司請逮治衡山王天子不許為置吏二百石以上

集解如淳曰漢儀注吏四百石已下

自調除國中今王惡天子皆為置之

衡山王以此患與奚慈張廣昌謀求

能為兵法候星氣者日夜從容王密謀反事

集解徐廣曰密豫作

計王后乘舒死立徐來為王后厥姬俱幸兩人相妬厥

姬乃惡王后徐來於太子曰徐來使婢蠱道殺太子母

太子心怨徐來徐來兄至衡山太子與飲以刃刺傷王

后兄王后怨怒數毀惡太子於王太子女弟無采嫁棄

歸與奴姁又與客姁太子數讓無采無采怒不與太子

通王后聞之即善遇無采無采及中兄孝少失母附王

后王后以計愛之與共毀太子王以故數擊宮太子元

朔四年中人有賊傷王后假母者

集解駟案漢書音義曰傳母屬

王疑

太子使人傷之笞太子後王病太子時稱病不侍孝王
后無采惡太子太子實不病自言病有喜色王大怒欲
廢太子立其弟孝王后知王決廢太子又欲并廢孝王
后有侍者善舞王幸之王后欲令侍者與孝亂以汙之
欲并廢兄弟而立其子廣代太子太子爽知之念后數
惡已無已時欲與亂以止其口王后飲太子前為壽因
據王后股求與王后卧王后怒以告王王乃召欲縛而
笞之太子知王常欲廢已立其弟孝乃謂王曰孝與王

御者姦無采與奴姦王彊食請上書即倍王去王使人止之莫能禁乃自駕追捕太子太子妄惡言王械繫太

子宮中孝日益親幸王奇孝材能乃佩之王印號曰將軍令居外宅多給金錢招致賓客賓客來者微知淮南

衡山有逆計日夜從容勸之王乃使孝客江都人救赫

陳喜作輜車鏃矢

集解徐廣曰輜車戰車也音扶萌反索隱救漢書作救劉向別錄云易家

有救民之法也刻天子璽將相軍吏印王日夜求壯士如周邱

等數稱引吳楚反時計畫以約束衡山王非敢效淮南

王求即天子位畏淮南起并其國以為淮南已西發兵

定江淮之間而有之望如是元朔五年秋衡山王當朝

六年過淮南淮南王乃昆弟語除前卻約束反具衡山

王即上書謝病上賜書不朝元朔六年中衡山使人上

書請廢太子爽立孝為太子爽聞即使所善白贏之長

安上書

索隱贏音盈人姓名也

言孝作輜車鏃矢與王御者奸欲

以敗孝白贏至長安未及上書吏捕贏以淮南事繫王
聞爽使白贏上書恐言國陰事即上書反告太子爽所

為不道棄市罪事事下沛郡治元朔七年冬有司公卿
下沛郡求捕所與淮南謀反者未得得陳喜於衡山王
子孝家吏劾孝首匿喜孝以為陳喜雅數與王計謀反
恐其發之聞律先自告除其罪又疑太子使白羸上書
發其事即先自告告所與謀反者救赫陳喜等廷尉治
驗公卿請逮捕衡山王治之天子曰勿捕遣中尉安

索隱

按漢書表
司馬安也

大行息

索隱案漢
書表李息

即問王王具以情實對吏

皆圍王宮而守之中尉大行還以聞公卿請遣宗正大

行與沛郡雜治王王聞即自剄殺孝先自告反除其罪
坐與王御婢姦棄市王后徐來亦坐盡殺前王后乘舒
及太子爽坐告王不孝皆棄市諸與衡山王謀反者皆
族國除為衡山郡

太史公曰詩之所謂戎狄是膺荆舒是懲信哉是也淮
南衡山親為骨肉疆土千里列為諸侯不務遵蕃臣職
以承輔天子而專挾邪假之計謀為畔逆仍父子再亡
國各不終其身為天下笑此非獨王過也亦其俗薄臣

下漸靡使然也夫荆楚僥勇輕悍好作亂乃自古記之
矣

索隱述贊曰淮南多橫舉事非正天子寬仁其過不
更輟車致禍斗粟成詠王安好學女陵作詞兄弟不
和傾國殞命

史記卷一百十八

史記卷一百一十八考證

淮南衡山列傳廷尉臣賀○

臣照

按漢百官公卿表張

釋之以孝文三年為廷尉終文帝世不遷此廷尉賀
不知何人疑有訛字

一尺布尚可縫一斗粟尚可舂兄弟二人不能相容○
容齋續筆曰高誘作鴻烈解叙及許叔重註文其辭
乃云一尺縑好童童一升粟飽蓬蓬兄弟二人不能
相容

漢亦使曲城侯集解徐廣曰曲城侯姓蟲名捷○功臣表蟲作蠱

王使郎中令斥免正義言屏斥免郎中令官而令後人不敢效也○余有丁曰郎中令郎中之長斥免需被也

以令名男子若振女集解徐廣曰西京賦曰振子萬童○振西京賦作振

尉佗知中國勞極止王不來○陳沂曰按任囂死後趙

佗始自為王今乃言尉佗先王陳勝乃反被一時對
辭不究其實耳

臣聞微子過故國而悲於是作麥秀之歌○呂氏春秋
及宋世家皆以為箕子

今我令樓緩先要成臯之口集解漢書直云緩無樓字
樓緩乃六國時人疑此後人所益也李奇曰緩似人
姓名韋昭曰淮南臣名○徐孚遠曰周被陳定皆著
姓名緩不得獨去姓樓緩當是與古人姓名同也

陳定發南陽兵守武關正義故武關在商州商洛縣東
九十里春秋時闕文○闕文疑秦地二字之誤

產五十萬以上者○一本產上有家字

王安自劉殺集解徐廣曰即位凡四十二年元狩元年
十月死○臣照按年表安在位四十三年元狩元年

自殺徐廣殆以夏正十月當屬元朔六年故只作四
十二年乎否則二字狩字誤

信哉是也○一本作信哉是言也

史記卷一百一十八考證